



ル 5
3252
3



門 5
號 3252
卷 3

昭和十七年
五月二十一日
購求

廣東攷古輯要卷九

堤堰

廣州府

六脈渠 南海縣一草行頭至大市通大古渠水出南濠一淨
 慧寺街至觀堂巷擢甲里新店街合同場番塔街通大古渠
 水出南濠一光孝寺街至詩書街通仁王寺前大古渠水出
 南濠一大鈞市至鹽倉街及小市至鹽步門通大古渠一按
 察司至清風橋水出橋下一子城城內出府學前泮池六脈
 通而城中無水患按明東莞譚清海建議謂西一脈水遶坡
 山由南濠尾穿西關而出東一脈水遶軍局萬里橋合貢院
 前水由天關而出小南一脈水遶何塘背由文溪至府學前
 渠而出大北一脈水遶蘭湖由賢關里穿城脚而出正南一

脈水遶清風橋龍橋寺仙湖街而出小北一脈水自白雲來由小北門合萬里橋水循天關而出此較古六渠之說尤為明晰

甘溪 番禺縣寰宇記云交州刺史陸允所開一統志允以海水鹹鹵導甘溪以給民用唐節度使盧鈞復加疏導南漢復闢之為甘泉苑

越溪 縣境郡志宋末於粵秀山左堰越溪溉田今堰圯

福隆堤 東莞縣東宋元祐三年邑令李巖築以捍東江水患護田九千八百餘頃紹興中邑令姚孝資重修嗣邑令范友仁陳慶遠趙興邁相繼修之淳祐初邑令趙善鄒修舊堤萬五千九百九十丈增西湖新堤一百八十五丈元大德間堤潰二十餘丈達魯花赤甘卜縣尹鄧榮修復至正二年潰堤

三十五處七年縣令楊大舉修明洪武中差官修築正統六年縣丞周式董修宏治十七年復奉文修築後復屢潰屢修羊蹄壘 縣石岡石排窰尾等處明崇正十一年知縣汪運光築長一百九十五丈

牛過萌堤 縣牛過萌村宋寶祐間邑令楊公順築長三百丈護田二百餘頃歲久堤潰明永樂中鄉人賴茂貫等重築中建小石橋旱則灌潦則塞民甚賴之

西湖堤 縣西湖村宋淳祐元年邑令趙善鄒築長一百八十五丈

鹹潮堤 縣咸西瀨步等處宋元祐四年邑令李巖築共十二條以禦海潮泛浸有碑存許公岩今亡

羅家陂 縣大林徑邊明成化間邑人羅時重修

王家渠 縣深溪山宋邑人王鼇石於山腰鑿渠引龍潭之水
紆迴三十餘里至大汾頭灌田數十頃

白水塘 從化縣北宋時鑿廣六十餘畝

龍湫 縣北三十里禱雨輒應相傳投鐵於中須臾雲起雨至
明梁文康公儲謂此湫可闢以溉禾遂鍤鑿接引灌城北一
帶村田不下數千畝又迤邐而來環邑城濠附近池塘借以
旱蓄潦洩邑人便之稱曰閣老圳云

張州堤 增城縣上都明成化間築長二千餘丈

天塘水 縣城西七十里灤洞灌田號天塘見輿地紀勝

爛泥陂 香山縣長江村明永樂二年縣丞彭與志築灌南洋
等村田

落鞋陂 新會縣明洪武初鄉人共築灌田二十餘頃

天河橫江周郎三圍基 縣中樂都明萬曆三十八年知縣周

思稷始築基嗣後屢有增修

大田圍 縣中樂都明萬曆十五年舉人廖文炳築以護大田
十餘鄉灌田六百餘頃

竈岡堤 三水縣西北明嘉靖四十年知縣陶守訓築邑人鄧
國賓有記

新生雙竇 縣南明宣德間侍御梁軫議奏立閘不果嘉靖十
五年鄰邑李瑜題准修設

鎮南堤 縣南五里障田四十八頃元至元元年墟長陸忠築
大路竇 縣南明萬曆二十六年墟長陸少荷修闢崇正十四

年水決邑令羅會同南海縣修築併立廟於堤上邑人彭懋
澹有記

上圍堤 清遠縣東二十里靖定鄉為峽山水冲壞明正德元年知縣岑璉砌堤嘉靖六年知縣洪子誠修

中圍堤 縣東明嘉靖元年知縣林良弼修築以禦連溪水患
下圍堤 縣東五里有新基水患明宏治八年知縣蘇奎修築

韶州府

官堤 樂昌縣東北有水自西坑山峽中來南流通祿頃灌田百餘頃明洪武二年知縣索彥勝創築尋壞嘉靖二十五年同知胡瑞飭民建石堤後又屢圯屢修

惠州府

蘇公堤 歸善縣西湖之左宋紹聖三年蘇軾出所賜金錢築明萬曆四十八年巡按王命璿檄推官温國奇修築
北堤 縣境宋治平間知府陳偁創堤二百丈有奇旁植竹曰

竹徑堤中構石橋洩橫槎水嗣後屢有增修明楊起元有重修拱北堤記

南堤 縣境明宣德間知府陳顏修正德間知府方良節重修嘉靖戊辰推官方邦彥增築後潰旋修

鍾樓堤 縣境湖水穿城瀦洩明嘉靖中知府吳志增闢下板閘萬厯中知府王時雨易以石崇三尺許令水常盈不涸

豐湖 縣西即西湖宋治平間陳偁領州經畫築堤截水宋林俛豐湖集敘云湖之潤溉田數百頃葦藕蒲魚之利歲數萬民之取於湖者其施已豐故謂之豐湖又有鰲湖在豐湖之南闊四五里深倍之舊志西湖者豐鰲二湖之會也

東湖 縣西南與西湖並一名答子湖宋州守陳偁時歲旱教民以牛車汲水入東湖溉田

隨龍堤 博羅縣東連審嶺南接浮砭長二百五十丈通行要路宋淳祐中築

學湖堤 縣東為隨龍外堤明知縣馬顯明雷啟墊等相繼修萬厯間大潰鄉副使曾舜漁修之

榕溪堤 縣南門外捍水東流明嘉靖間知縣經彥案築石三十丈萬厯七年決參議李盛春檄修

蘇村堤 縣羅村都長六百丈當龍川之衝宋知縣王巨築元羅里敬甫復築明永樂二年知縣林和修正德中復修萬厯

間知縣鄧以告築之乃堅
登山堤 縣仙福都泊頭村築之以過山溪之漲歲久壞明永樂間知縣冒祚復築

周堤 河源縣南明萬厯間知縣周炳捐築後又增築加厚湖

水永無泛溢

蘇堤 龍川縣螯湖東蘇子由築元至順二年堤潰水乃西明萬厯六年知縣林廷植復築舊堤水從城濠東遠達江

柳塘 縣北周八十餘畝宋端平二年循州宋朱挺築引白雲岩水注之灌田三百餘畝四圍栽柳故名

螯湖 縣西北龍潭之水注焉周數里俗號螯塘宋端平初循守宋詡築堤壅水循隍竇以疏漲且溉堤下之田千餘畝元季堤潰湖湮明嘉靖二年韋郎憲修復

潮州府

北濠 海陽縣城西二里即宋時西湖慶元間知州林燾開浚三利溪 縣西導濠水過雲梯岡入揭陽縣界至楓口合揭陽

港至潮陽界殆將百里而後入海三縣利之故名宋元祐間

知州王滌始濬明正統以後日就堙塞
復疏之李東陽陳獻章有記嘉靖後屢塞屢濬

中離溪 縣西南地達揭陽明嘉靖中邑人薛侃濬侃有記

北門堤 縣東明永樂宏治間潰知府雷春周鵬等修築

南門堤 縣境明正德中邑人御史楊珙疏請權金修築甃以石

江東堤 縣南明正德間潰知府王源修築

王公溝 潮陽縣直浦徑頭村故無泉汲者動經數里明宏治二年知縣王鑾諭民鑿溝引水入村長六百五十餘丈人便於汲田得灌溉

倉頭溝 縣直浦都舊有淡水廣四丈流長四十餘里後填築為田水利遂絕田卒汗萊知縣王鑾開浚又增闢五丈復得

灌溉之利

通濟港 縣門闢村即康濟橋大港港故近海鹹鹵淹沒禾稻歉收汲者至十里外乃得泉明宏治二年知縣王鑾始築堤禦潮鑿溝通泉溉田三千餘畝人免遠汲因名通濟

黃公堤 縣北明隆慶辛未知縣黃一龍築人感其德因以名堤立有遺愛碑於堤上林大春為記

玉窖溪 揭陽縣城內以縣治舊為玉窖村故名外通南北二溪內旋繞縣署滌洞類宮日久漸為民居侵填明宏治中知府葉元玉知縣王愷疏復萬厯三十一年復多侵佔知縣汪起鳳復請查濬治黃仕鳳為記後又屢塞屢濬

洪溝堤 縣霖田都明洪武間都民朱廣奏築嘉靖六年主簿季本重修長十里餘障田地數百頃

陽公溪 饒平縣明周瑛記畧饒有溪發源自清遠元歌一帶循東南行經縣至宣化都鳳岡入海自縣而下亂石錯出舊名石頭溪舟行至此皆負擔而陸民病之宏治乙卯邑宰楊公募民疏鑿凡兩月功成父老以爲不殊鄭公之鑿涇也名曰陽公溪公名宏字克寬廣西臨桂人

河口陂 縣北門社舊寨鄉灌田四百餘畝明崇正二年夏驟雨漂至決鬻衝潰陂流遂堙旱魃屢虐荒原六載鄉人嗷嗷待命霖翁梁公憫之出資買沿河田浚爲渠以通水郭之奇爲之記

茹溪 惠來縣東源出黃岡山二十餘里經茹港會諸水入練江塘時架石梁三間跨之下可舟行茹溪居民數鄉洋田千頃賴無水患後爲潮陽豪家築梁而漁積至壅遏明萬曆二

十九年知縣方之矩判爲官溪有記

覽表渡溪 縣西南明時被豪民吳國觀科索水稅知縣林春秀判爲官溪萬曆十六年吳重光等告給種植芡荷三十四年刁軍伍仁冒爲己業知縣游之光判復官溪令吳重光供稅四錢僅許植荷護堤

透龍湖 縣西北周三十丈溉田數十頃明縣民李彥卿冒首專利嘉靖中知縣林春秀判復官湖年久縣民方彥佩將上下填塞爲田萬厯間知縣游之光查勘湖水出處無妨小民灌溉仍之

三川溪 澄海縣城內明萬曆初同知王懋中浚十三年知縣王嘉忠闢之建三石橋民便之稱橋曰王濟橋溪曰王濟溪濟海渠 縣西南卽鮀濟河明嘉靖間翁萬達倡議疏鑿舟楫

便之萬達有記

南北二堤 縣境起橫隴而西經溝頭小湖心南界夏塘菊池
紫林渡頭後溪仙人冠山上窖下窖抵南橋是為南堤起橫
隴東行經隴尾大湖心東林洪橋斗門石牌華富維舟亭抵
東湖是為北堤共一萬二百四十餘丈兩岸有石機三十二
殺水勢以護堤堤內疏涵溝十六洩水於海自宋迄元明相
繼修築

南溪洋堤 縣境東自外砂人家頭起經內隴東隴沈洲抵富
砂東溪西自外砂犁頭宮起經下埔黃窖抵富砂港尾障田
園池塘五千餘畝地窪下常苦水患明萬曆十八年砌堤東
甃石水關一灰築水涵五西灰築水關一水涵一後知縣王
嘉修於堤外無餘地處相其水勢灣割要害立磯頭十座以

為捍禦

金砂堤 縣南明萬曆間郡丞王懋中捐築王性有記

新溪涵 縣西北冠隴鄉灌中外下外二都田涵外有洲園開

溝寬一丈餘引水入涵明周宗禮有築南堤新涵記

肇慶府

水磯堤 高要縣東明洪武初築長三萬五千四百丈有奇捍
田七百餘頃中為石竇以殺水勢宣德間知府王瑩復飭培
土一丈成化間知府黃瑜修嘉靖十九年洪濤潰竇知府袁
載等照稅出錢補築萬曆四十二年堤決督府周嘉謨巡按
田生金發帑委築區大倫為記

新江堤 縣南明永樂初築周三千七百餘丈捍田五百餘頃
內有七溝五竇十六年以後三決宣德四年決魚梁竇及堤

五十餘丈正統四年知府王瑩等令隨田出資於魚梁油麻上下河汾大埭五竇及湍水處布石萬五千六百丈萬曆四十二年西水漲潰知府戴熿飭民修築

欖江堤 縣東宋至道二年鄉人彭達雨等築高二尺周三千七百丈捍田百五十頃

的村堤 縣東捍田四百餘頃明天順間決知府黃瑜督民修築

大欖堤 縣東南捍田百頃明萬曆癸丑西潦冲決督府張明岡捐資修築

塘步堤 縣東元至正二年鄉人某築周三千七百餘丈

豐樂大圍堤 縣東明鄉人黃阿思等奏築後決成化中知府黃瑜宏治中同知張吉相繼督修萬曆中復決督府周嘉謨

侍御田生金知府戴熿捐修崇正三年又決知縣張明熙築復

金西堤 縣東宋至道中築周萬三千餘丈捍田千二百餘頃

范洲堤 縣東元至正十二年鄉人白得清等築周六千三百餘丈

羅鬱堤 縣東南元至正中築周三千一百丈捍田二百五十餘頃左有白石堤中為北港通倉步後湮塞潮潦兩隔土民

病之明萬曆十四年知府王泮豁虛糧鑿竇設閘通於江洩潦引潮名曰騰蛟後太守鄭一麟繼之興建外閘以港口魚埠一十一步入港為遞年築堤浚竇開沙之用四十二年知

府戴熿預佃魚埠十年增築護堤

橫桐堤 縣東宋乾道二年鄉人譚源輔等築明萬曆四十二

年堤決督府周嘉謨侍御田生金發帑五千兩修築原設有
穴有官竇崇正四年知縣張明熙重修

大濱堤 縣東宋咸道八年鄉人陸原等築

大興圍 四會縣明萬曆四十四年堤決知縣謝子詔修築次

年復築知府陳謨請於總督周嘉謨侍御田生金發帑大修

高路基 縣大興圍內明永樂十一年知縣顏寶修築

黃村基 縣隆湖都明萬曆十七年決知縣黃應元修築二十

一年再決知縣陳一元詳請發帑修築

姚沙圍 縣貞山都明萬曆三十一年決知縣陳一元修築三

十五年復決知縣彭名世重修

湖桐基 縣貞山都明景泰中知縣楊煥督民建築

隆伏基 縣隆伏都長五丈明洪武間鄉民黃珏等築正德

間知縣方選重築

牛牯基 縣大甫都明萬曆三十三年知縣彭名世重築

羅馬陂 新興縣東明洪武五年鄉人陳有保築

觀登陂 縣東明洪武三年鄉人梁子斌築

馬港陂 縣南漑田百餘頃元至正間鄉人陳文廣築

赤子城陂 縣南明正統五年知縣雷晏築漑田百餘頃源自

白蟻坑從西門入城折而北出成化間砌新城填截水道乃

於洗河築陂開溝南濠通井斜達北郭隆慶戊辰以陂水界

斷地脈又於東方開溝引洗河水自南而東而北合故道漑

田如故

雲區陂 縣北明洪武間築漑田六十餘頃

大沙堤 高明縣東元至正間築明永樂間堤長鄧德達按田

廣東列邑輯要 卷九
斂貲買石砌竇宣德間又開竇二穴

停步堤 縣東明成化中築石竇一穴嘉靖間崩旋築復

小零堤 縣東元至正中築周九百餘丈捍田八十餘頃

白鶴堤 縣東周千八百餘丈捍田七十餘頃嘉靖間決萬曆

中督院許公修築

石奇堤 縣東一名秀麗堤元至正中築周二千五百餘丈大

石竇六穴引水灌田二穴疏通水利明時以歷年衝去圍外

沙田及遞年築圍挖土成湖水中所產魚苗利為整堤費用

至萬曆間堤基漸低督府周嘉謨等發帑修築

南岸堤 縣東元至正間鄉人築周五百餘丈石竇穴三

東坑堤 縣東原名大岸堤元至正間鄉人築

佛凹堤 縣東南二十五里三洲圍內十三村屢被水患明宗

正十年合衆築塞佛凹基潦患遂絕

羅塘陂 縣東南明永樂間鄉民築鑿石為圳後決旋築復

金釵陂 縣楊梅都相傳隨馮家白氏捐金釵創築故名

雲巖陂 縣文儲一都元至正間版村鄉民築

水母塘 開建縣北廣十餘畝源出雁山南流五里入塘又自

塘築渠以灌城濠明天順三年浚

坡亭大水圍 鶴山縣坡山村即古勞大圍明洪武二十七年

鄉人梁文善等赴告工部差官劉永旋修築溉田二十三頃

越塘圓洲圍 縣古勞都明洪武二十三年工部差員興築溉

田五十三頃中有小基上越塘下圓洲

澤沛陂 縣附城大岡圍宋季林夢良倡築溉田二百餘頃

橫坑坡 縣附城十九圍元初梁虎暹倡鄉人築

郭塘陂 縣附城都山華村明萬曆三年築

廉州府

羅城江 合浦縣源自大江分派其江北岸高南岸下明宏治

初知府劉烜見其土沃廣可田乃壘石壩於江中橫截水道

灌墾為田招民耕種與忠里之民至今利之

陳調白沙江 縣東北源出那東江西流入石康大江明嘉靖

十五年知府張岳令民築壩十五丈截流灌田數百畝

鍾灣水 縣南相傳宋政和中鍾與龍開因名

平樂陂 縣平樂鄉明洪武初築灌田四百畝

鼓塘陂 縣東明成化間石康知縣羅紳捐資築

雷州府

海堤 海康縣在縣北為北堤綿亘萬二千一百五十二丈水

閘三十九所在縣南為南堤綿亘萬三百四十四丈水閘六十所宋紹興間胡簿沿海建築近郭東南萬頃洋田及居民廬舍始免颶風鹹潮之患乾道五年知軍事戴之邵於胡簿堤外增築高廣倍前盡包濱海斥鹵之地墾田數百頃名曰陳言因陳氏建言而成也其後提刑張琮通判趙希呂知軍事薛直夫孟安仁元宣慰使張溫相繼修築明洪武四年同知余麟知縣陳本遂溪知縣王淵協議修堤南堤以千字文分號北堤以二十八宿分號成化八年颶風壞堤知府黃瑜委築尋崩知府魏瀚繼築正德十年又圯知府王秉良增築嘉靖元年知府易綦復於北堤上添作一堤以六藝禮樂射御書數八字分號下接角字堤又於南堤之東霜字堤下接築一堤以金生麗水玉出六字為號各置水閘壬子六月颶

風大作潮水泛漲漂沒千餘家知府羅一鶚調三縣人夫修築隆慶庚午年堤崩知府唐汝迪修補並移築張字堤基萬曆十六十八二年颶風連作兩洋居民蕩析殆盡田悉荒廢知府林廷陞委修嗣後屢有修築

護城堤 縣東北卽土龍河靠西一帶大長堤明嘉靖二十一年巡按蔡經相城東北薄海空濶議築堤以衛之長七百餘丈高八尺積稅二十五畝給官價銀七十餘兩其稅用開墾別稅補之

西湖堤 縣西宋紹興間知軍事何庾築堤以瀦羅湖之水建東西二石閘乾道間知軍事戴之邵重修明嘉靖間知府楊表黃行可相繼修築至萬曆間西閘爲水衝決署府事戴嘉猷重修伐石砌閘後知府林恕又築新堤開五閘今堤圯已

久

何公渠 縣西有二渠皆宋紹興二十八年郡守何庾開浚一自西湖西閘引水由西山南流灌白沙田一自西湖東閘直下南亭橫逕通濟橋而注之東溉縣東萬頃洋田

戴公渠 縣境有二渠皆宋乾道五年郡守戴之邵鑿一以特侶渠近山易湮於渠東四百二十步別開一渠導流而南會張熟塘水至東橋與西湖渠水合長二千七百六十丈沿渠築堤瀦水堤置八橋開八渠以分灌既各長一千八百丈東建萬頃閘拒水南啟南亭閘洩水塘堤建六閘開二十四渠以沃東北上流之田各長一千二百丈凡渠首尾悉爲閘以出納一以爲南亭渠閘湮廢不復東流於西湖東鑿渠引水入城與東渠水合灌附郭高壤田委流至東橋合特侶水灌

東洋長四百二十丈俱砌以石明天順正德萬厯間皆相繼修

那耶陂 縣西南宋寶祐四年知軍事孟安仁始為塘明洪武八年通判李希祖易為陂建閘灌麻蛇洋田二十八年主簿鄭伯高修築

象骨陂 縣西宋咸淳間為塘明洪武三年知縣陳本易為陂灌田四頃

那崔陂 縣西宋治平四年鄉人顏同翁始為塘後廢明洪武十八年知府秦時中復為陂灌調爽等處田

徒林陂 縣西宋治平間開築為塘後廢明洪武三年知縣陳本改為陂灌田如故

那多末陂 縣西宋元符間鄉民開為塘元季廢明洪武三年

陳本改為陂二十八年主簿鄭伯高重築

曹家陂 縣東南明永樂四年通判張楫建石橋閘沿舊渠引水自本村至邁特官路西長七十丈正德九年知府王秉良拆其石移砌戴渠今閘廢渠存

石奇陂 縣西宋寶祐四年知軍事孟安仁開築明洪武中通判李希祖正德十年知府王秉良相繼濬修今廢為田而源泉湧出灌溉如故

椰子塘 縣西南宋寶祐間知軍事孟安仁開築周廣六十餘畝明洪武十八年知府秦時中重築

赤泥堰 縣西明天順間鄉民築引水灌赤泥顏沙等田古州塘 遂溪縣南古州村宋知軍事俞洽築明洪武十二年

知縣王淵重修

張熟塘 縣南宋何庾開築廣四十畝其流通萬頃開渠俱灌
東洋田明洪武間縣丞薛成玉重築歲久闌廢嘉靖間民買
為田郡人張一珙贖還為塘因名張贖塘今又廢為田

都典塘 縣南元時開築明洪武中縣丞薛成玉重修

曾古塘 縣北明洪武間知縣張昭築又縣南有調離塘亦張

昭築

特侶渠 縣境宋郡守何庾開浚導特侶渠水灌東洋田四千

頃下流與西湖水合亦名何公渠明萬曆三十年推官高羅

岳添石砌浚按通志載明永樂間僉事王泰上疏言宋寇準

於雷州開渠引特侶塘水灌東洋田萬頃勝國

都賀陂 縣南元知縣都賀築明洪武間縣丞薛成玉重修

石門塘 徐聞縣西石門嶺頂久圯明嘉靖三十八年邑人鍾

世盛捐銀築堤修復

麻練陂 縣南明洪武三年知縣武亮築

清水堰閘 縣西南明洪武十八年海康御史黃惟一奏築

清水官堰 縣東南明宏治二年海北道傅某飭築設塘甲塘

長優免差役巡守溉田

瓊州府

巖塘陂 瓊山縣東南高山間巖塘原湧宋端平間鄉人於塘

門築石砌陂為堤堰延袤二百餘丈分流為二派溉田各數

百頃

度靈塘 縣南宋開寶八年知瓊州李易上言州南五里有度

靈塘開修渠堰溉水田二十餘頃居民賴之見宋史河渠志

祥塘 澄邁縣東宋時鄉人築堤堰水溉田元至正間里人陳

武敵用石修砌明正德間鄉人陳政修築為塘鄭稽為記

買欽溪 定安縣東源出自沙岡流經買欽村舊淤明成化甲

辰乙巳間大雨水湧開流溉田三頃餘

西關堤 會同縣明萬歷癸卯知縣盧章修築尙書王宏海為

記

雄靈陂 樂會縣東南明初築閘壩外捍正統五年知縣曹梅

修之今潰

密澤陂 縣境一名蓮陂近龍滾河鹹水從港而入農人苦之

明時尙首王觀泰集眾築壩又墾荒原數頃旱則引水灌之

嘉靖三十一年修築

湍州陂 儋州東有水汎流元末酋長陳存觀通洩於大江明

宜倫縣丞何曙修築堤防溉零春天堂等田

崔公河 昌化縣南明嘉靖八年指揮崔瀛率民開擴接昌江

導之順流居民利之

高村陂 崖州東舊有大河湮塞明成化八年判官何琛疏築

都陂 州東北明正統二年主簿梁正修後崩宏治元年知州

林鐸築復

抱架溝 州西南海濱廣漠旱不能耕明宏治二年知州林鏗

築溝引千家山河水溉之

陽江廳

麻濠堤 廳西南明正德八年參政黃容築蓄水護城嘉靖二

十五年知縣吳煥章砌石萬歷八年再築

北宿堤 廳西南明洪武初邑人關文彬等築

連山廳

觀陂 在半里舖前高九尺廣二丈五尺宋嘉定三年鄉人唐海築元末頽廢明洪武元年鄉民莫德全修復旋復壞永樂元年唐子英等乃築復完固

鷺岡陂 城北宋政和七年鄉民唐必興築元末廢明洪武初唐思春等修築

官陂 城北元至治二年鄉人石德叟築元末廢明洪武初石楚英築復

連州

龍腹陂 在龍口村相傳東漢有袁氏兄弟三人築

水障 陽山縣明萬曆三年趙文正築長百餘丈以護城垣

羅定州

東州西圳 西甯縣明萬曆十四年知縣林致禮開築溉田百

餘頃

南雄州

凌陂 州西北宋縣令凌皓築溉田二千餘畝民德之故名

連陂 州西宋知州連希覺開溉田千餘畝民德之故名

葉陂 州北明洪武三年知府葉景龍開

珪塘陂楊凹陂澗頭陂 俱在城東百里明永樂間築嘉靖壬

午鄉民呈請夏秋築水溉田冬春通流行舟隆慶間知府林

應節立碑著令

河堤 始興縣城南明嘉靖元年知縣高輔以水勢冲城申詳修築

豐陂 縣東明洪武間知縣王起重如修築

蓮塘 縣北明知縣王起開築廣三畝溉田四十餘畝

嘉應州

新菴塘 在莆心鄉人明御史廖睿創築塘堤作陂疏圳分溉
莆心楊古狀白土三鄉田三十五頃餘塘廣千一百五十丈
程鄉知縣高彥登勒石以杜私墾莆心鄉人修圳免役
鹹水坑塘 在丙村堡共塘二十二口明萬曆八年鄉人議春
季塞十一口秋季塞十一口放水溉田四百餘頃
五官塘 在畚坑堡明正德時鄉人申范郭賴羅五姓共置蓄
水溉東南沿一帶田三千餘畝
官陂 在松口官坪明正德三年余璘創築
馬路堤 興甯縣明崇正八年知縣劉祚熙築
烏陂 長樂縣城東溉田六百畝明嘉靖初僉事施儒惡其溪
與治背乃道之西流百餘步出新河橋入河

梯雲嶺圳東湖圳

平遠縣俱明萬曆四十六年知縣李允懋

濬今湮

欽州

境口壩 州城南明正德間知州李純築以障欽洪水先是孟
埭村決數百畝田俱荒自築壩田可耕

<p>石門 縣西北兩山對峙如門據南北往來之衝郡國志呂嘉拒漢積石江中為門因名宋德祐二年元阿里海涯遣將梁雄蜚徇廣東廣東將徐直諒聞益王昱立於福州遣將拒之於石門為元兵所敗</p>	<p>金利砦 縣西北宋元時置砦於此明洪武三年改置巡司</p>	<p>清水濠關 番禺縣東清水濠口明置</p>	<p>扶胥鎮 縣東南三江口王存九域志縣有瑞石平石獵德大水石田白石扶胥七鎮</p>	<p>太平關 南海縣西太平橋北明置</p>	<p>關隘</p>	<p>廣州府</p>	<p>石門</p>	<p>金利砦</p>	<p>清水濠關</p>	<p>扶胥鎮</p>
---	--------------------------------	------------------------	--	-----------------------	-----------	------------	-----------	------------	-------------	------------

廣東攷古輯要卷十

關隘

廣州府

太平關 南海縣西太平橋北明置

石門 縣西北兩山對峙如門據南北往來之衝郡國志呂嘉拒漢積石江中為門因名宋德祐二年元阿里海涯遣將梁雄蜚徇廣東廣東將徐直諒聞益王昱立於福州遣將拒之於石門為元兵所敗

金利砦 縣西北宋元時置砦於此明洪武三年改置巡司

清水濠關 番禺縣東清水濠口明置

扶胥鎮 縣東南三江口王存九域志縣有瑞石平石獵德大水石田白石扶胥七鎮

太平關 南海縣西太平橋北明置

石門 縣西北兩山對峙如門據南北往來之衝郡國志呂嘉拒漢積石江中為門因名宋德祐二年元阿里海涯遣將梁雄蜚徇廣東廣東將徐直諒聞益王昱立於福州遣將拒之於石門為元兵所敗

金利砦 縣西北宋元時置砦於此明洪武三年改置巡司

清水濠關 番禺縣東清水濠口明置

扶胥鎮 縣東南三江口王存九域志縣有瑞石平石獵德大水石田白石扶胥七鎮

鹿步堡 縣東舊置砦於此洪武三年改設巡司

冲鶴堡 [順德縣南明正統十四年賊黃蕭養據此作亂]

伏波橋 縣南二里志云橋西南五里有城名石涌南越相吕

嘉故鄉也嘉聞漢兵分道南下於其地築石甕金斗二城兵
敗遂遁於此路博德遣兵窮追編橋渡兵橋因以伏波名石
涌即石甕之訛也

虎頭門砦 [東莞縣東案明史地理志縣西南有虎頭山洪武

二十七年置曰關曰砦皆其地也

屯門鎮 [新安縣南東即杯渡山唐立屯門鎮營以防海寇宋

亦設營壘於此

上龍門鎮 [龍門縣北舊直長沙巡司明洪武四年改今名

濠鏡澳關 [香山縣東南濠鏡山北三里明萬曆二年建設閘

官守之以防澳夷

金星門 縣南百里望海中有金星門兩峯相對蠻蠻多漁於

此相聚為寇

香山故鎮 縣南即宋金斗鹽場也地名濠潭舊名金斗鎮屬

東莞宋紹興改為香山場後遷於前村址廢

古三水鎮 [三水縣即崑都山宋立斥堠於此今鎮廢遺址尚

存

良岡鎮 縣西南明嘉靖四十一年建築土城

滘江寨 [清遠縣東即滘口陳大建二年廣州刺史歐陽紇以

州叛陳將章昭達破之於滘口亦謂之洗口宋乾德二年潘
美克南漢之郴州劉鋹懼使邵延瑁屯洗口是也明洪武二
年改設巡司

韶州府

太平關 [曲江縣明天順二年巡撫葉盛奏置以權鹽稅亦名

鹽關

黃土嶺隘 [樂昌縣東接仁化縣界明初置高勝巡司防守萬

歷中裁

長江隘 [仁化縣東北扶溪都界連江西湖廣山川盤結黎民

稠集舊有墟曰維賢坊宋元間鄉民貿易其間明初以山寇

亂始廢至今猶曰墟裏北有高岡聳峙圍堡社學在焉

小梅關 [乳源縣西北地名馬頭泖為唐開元時西京通路

天德寨 縣東一名石門寨周廻砌石如城元至正中柳冠陷

城義士鄧可賢率鄉民固守於此

三華鎮 [翁源縣東北縣志明嘉靖末山賊張廷光等倡亂隆

慶六年討平之因請置鎮築城今圯

涯浦關 [英德縣水經涯水南出涯浦關為桂水元和志涯浦

故關在縣西南四十五里山谷深阻實禁防之要地

攬坑隘 縣東明初有兵戍守

清溪鎮 縣北九域志縣有清溪光口回口板步四鎮縣志清

溪有巡司明洪武二年置築磚城周一百五十丈今圯

跌牛石營 縣西通志明初設金阜口虎尾徑魚梁埠燕石麻

埠舟竹徑六處戍兵嘉靖三十四年議以跌牛石為適中地

因置營於此增設官兵倚為重地

惠州府

懷安戍 [歸善縣懷安山下唐置戍守此

馴雉鎮 縣東北有巡司明洪武初置

船澳寨 縣東南濁水山有文天祥駐馬處

富沙寨 縣東元季土豪劉守正嘗據此

新田營 海豐縣東北明萬曆初平賊巢設參將捕盜公署尋

移治府城西北崇正十五年復設營於此

三王寨 河源縣南元末何真所築

鏡拔山隘 龍門縣北明萬曆初賊宋福遠據此作亂尋就擒

猴嶺隘 縣西北接和平縣界明隆慶末賊鮑時秀據此作亂

萬曆中官軍討平之

鐵龍隘 縣東北萬曆初賊葉楷據此作亂尋討平之

田心屯 縣東南明洪武二十三年立宏治十七年賊劫通衢

司因於此築城

平虎隘 和平縣東北舊曰烏虎鎮明宏治十五年設嘉靖三

十九年築土城尋為賊徐仁器所據隆慶六年討平之改名

平虎

泃頭隘 縣西北明嘉靖三十四年設環以垣墻置兵戍守

和平峒 縣北即泃頭山卓立深遠接江西龍南縣境其最近

龍南者為上泃在岑岡者為中泃和平峒謂之下泃正德中

賊黨池仲容巢穴於此十二年顧撫王守仁討之克其三泃

大巢餘賊走聚九連山事平以和平峒巡司改為縣而移巡

司於泃頭龍子嶺

烏石屯 永安縣東明初置嘉靖初移馴雉巡司治於此四十

一年築城置館立縣後廢

內管營 連平州東北舊稱九連門戶最為要隘明崇正八年

置

潮州府

摧鋒寨 [海陽縣] 金山北宋置又有海門等寨

河溪隘 [潮陽縣] 北與大化山連洋海相接村烟遼曠明隆慶

三年知縣黃一寵於斗崖高處為瞭望之所令華陽桑田居民守望其間商旅往來稱便

鳳山古寨 縣境明天順中夏嶺為寇鄉人陳千山倡義守寨

殺賊數萬後百餘年其裔孫南野復以保障功克繩祖武稱一時盛事見明林大春保障鳳山序

竹林堡 [饒平縣] 黃岡鎮東北福建詔安山賊由此出沒嘉靖

十四年置堡於此

浮山墟 縣東南三十里東洋屯一名百丈埔宋張世傑妻許

氏會陳弔眼之師出黃岡與元兵戰亡於此

徑口關 [惠來縣] 明陳宗湯徑口關碑記云徑口當縣治二十

里而遙兩山對峙中通一徑山石巉巖荆榛叢蕪間多伏莽行道苦之

千秋鎮 縣西其地背山面谷水遶山盤宋處置使鄒鳳嘗駐

兵其處因勒銘石上

虎頭沙隘 [大埔縣] 東北路通福建上杭縣有埠市客商往潮

惠汀漳皆於此轉輸兩旁石山中通小徑盜賊嘗出劫掠明嘉靖四十一年設巡司萬曆十年廢

肇慶府

白汎營 [高要縣] 西明宏治中置

塘宅堡 [恩平縣] 東北嘉靖十三年設三十六年於縣治西南

移廣肇高韶參將駐於此萬曆三年改築開平屯廢堡入焉

永安屯 縣東南明隆慶中恩平會寧界中懷寧苔村三巢賊劫掠恩平及陽江勢甚猖獗兵備李材分軍一由赤水口一由白蒙徑出其不意大破之材以縣東十三村與三巢實相羽翼因悉誅之而立永安永鎮武定大湓潘村鎮戎豐建鎮平等共二十屯募兵耕守

黃沙營 廣寧縣東北明嘉靖十二年置一名南綏營當大羅山之襟喉各洞賊出入由此

古今鎮 開建縣北其地有古今山黃沙嶺明洪武初設巡司於此萬曆六年徙於縣東北之禡村十四年剿平黃沙等賊復還舊所

高州府

小函谷關 茂名縣北一里上官灣明嘉靖中建路通信宜羅

定為郡北路咽喉又有懷柔關一名天關在桃垌隘今皆廢

獅子堡 雷白縣西北明時為陽春瀧水盜賊之衝嘉靖五年置堡後廢

門村山砦 化州皆徭砦也志云州境徭山凡三十一皆分兵戍守

零綠鎮 石城縣西即舊零綠縣宋廢為鎮明洪武初置關併置巡檢今因之

橫山堡 縣西少南府志明初設青頭堡在縣西正統中移置橫山下改名橫山扼遂溪要路

廉州府

條風關 合浦縣東北舊名東關明嘉靖間重修改名
新寮隘 縣東路通廣西雲蘆六湖蕉林等處明成化間建堡

城今改為新寮營

鹿井砦 縣西南寰宇記太平軍西南至鹿井與欽州烏土鎮
接界九域志合浦縣有鹿井三村二砦

雷州府

水軍砦 府南二里宋置屯軍以清海道又府城北有澄海軍
城二砦俱宋置

遂溪堡 遂溪縣治內明成化初憲副陶魯以縣無防守議設
撥各軍委員防禦今廢

瓊州府

白沙營 瓊山縣北白沙港口元置水軍鎮明初置營於此與
海口砦相為唇齒

水會寨 縣西南明初建大坡立營防守居碌居林沙灣三崗

萬曆二十八年設水會守禦千戶所於水蕉村築城設參將
鎮守城今圯

感恩柵 縣西北九域志瓊山縣有感恩英田二柵

西峯寨 澄邁縣西去臨高縣七里宋政和間瓊管帥乞於澄

邁置西峯寨臨高置定安寨以阻扼黎人由是道路無梗

焚艘鎮 文昌縣西北九域志縣有焚艘一鎮蓋在焚艘山下
故名

山石寨 儋州明成化五年七方尙黎苻那南叛官軍討之憑
險阻不下既而破其上下多那山口砦追擒之於落賀州並
平其黨

德霞砦 昌化縣東南地勢平衍黎賊巢於此明嘉靖十九年
斥奪其地議建城邑既而中止二十八年黎復叛議者復請

建城砦於此據其膏腴仍由德霞沿漢水以達縣治

岐崗 **萬州**西北岐人所居岐人又在生黎之外亦有生熟二種在五指山中歷代不賓黎人懼之隋志所謂迤也明永樂三年曾設土官統之尋革宏治中始爲寇正德七年官軍討不克嘉靖以來常爲寇暴黃氏曰黎外有岐黎所懼者岐也生岐疆界由瓊抵崖不過三百餘里自儋達萬不過二日餘程俟彼三八月饑荒分兵四面開示信義彼必聽從乘此間路可立衙門岐旣從而黎伏矣

延德鎮 **感恩**縣東南有巡司因廢延德縣而名或云縣蓋置於此

陽江廳

蓮塘堡 廳城東北明洪武初置蓮塘驛嘉靖二十三年命事

林名奎築堡城周三百八十丈防陽春恩平大山浪賊

太平堡 廳西丹城墟宋置大墟站本在縣西七十里明洪武

中改置爲太平驛十二年移此嘉靖四十五年築堡城

羅定州

李陂關 州西又有古城關明時皆爲戍守之地

建水鎮 **東安**縣西卽建水廢縣也明洪武中設巡司本屬瀧

水縣萬曆中改今廢

白梅堡 縣西又有歌村堡皆明萬曆中平羅旁後置安插狼

兵耕守於此今廢

連州

湟谿關 州西北史記尉佗檄告湟谿關絕道自守蓋在今州

西北湟水上唐書地理志陽山縣有故秦湟溪關恐誤

雞籠關 州西石泉舖西七里，有兵戍守此關。一作雞鳴。

陽山關 陽山縣西北。史記尉佗檄陽山關曰：盜兵且至急絕。

道聚兵自守。元和志：故關在縣北七十里。茂溪口當騎田嶺路。

桐臺鎮 縣南十里。舊置桐臺驛於此。元末廢。又青龍鎮在縣

東三十五里。九域志：縣有桐臺、青龍二鎮。

南雄州

秦關 州境即橫浦關。史記南越列傳：趙佗行南越，尉事移檄告橫浦關曰：盜兵且至急絕。道聚兵自守。輿地紀勝引南康記云：庾嶺四十里至橫浦，有秦時關。今懷化驛也。按或以梅關為秦關，非。

梅關 州境大庾嶺。宋史嘉祐八年：廣東轉運使蔡抗兄挺詳

刑江西因同平易嶺，路立關於嶺上，顏曰梅關，以分廣之界。又有小梅關在小梅嶺上，山徑荒僻，路通三洲五渡。信豐、龍南諸處舊有土城，明嘉靖中改砌磚城。

嘉應州

太平鎮 州西北。明洪武三年置巡檢司，在州西十餘里。二十三年以地非衝要，移於此。今因之。

羅岡隘 興寧縣北。明萬曆中設營於此。今有墟。

水口鎮 縣東。長樂、興寧二縣合流於此。亦曰水口隘。明洪武八年置巡檢司，後廢。成化十二年更置於下岸。正德中遷於上岸。水東今因之。

清溪鎮 長樂縣西。明洪武五年置巡司，萬曆六年廢。今有市。

石鎮隘 平遠縣西南。一百里有石鎮營，與興寧大帽山相接。

其路險巖可以固守其上平坦可以屯兵其原野寬衍可以耕種

欽州

漁洪關 州西二十里卽如洪鎮宋史地理志欽州安遠有如洪砦卽此

那蘇隘 州西南明宣德中交趾置金勒千戶於此

千金鎮 州西南唐長慶三年黃尚蠻破欽州千金鎮刺史楊

嶼奔石南砦黃尚卽廣西新寧州之南源廢州

西零戍 州東元和志在欽州南三里

如昔砦 州西九域志宋安遠縣有如昔鎮宋史地理志安遠

縣有如昔砦通志州西有如昔了葛貼浪漸漂古森時羅七

崗宋時皆設立崗長明洪武初設巡司於如昔以統之其地

北連東西兩江南接交趾永樂十四年又於西境增置佛淘
巡司宣德二年交趾黎利作亂漸漂時羅古森了葛等崗叛
附黎氏嘉靖十八年交趾納欵歸四崗侵地二十一年知州
林希元畫定疆界然僅存貼浪時羅二崗而已

廣東攷古輯要卷十一

梁津

廣州府

花橋 南海縣城內東北西三渠合流經其下宋景德間建

越橋 在大市西街宋景德間經畧使高紳創

果橋 在南濠街亦高紳建一名拱橋即今南門橋明洪武初

設鐵石閘始不通舟

流花橋 在城北不詳何代所建據方殿元流花橋歌云橋邊

昨日鶯亂啼桃花無主飛東西一西一東何處止夙恨殘香

逐流水流花不減粵王臺芳春園內百花開素馨夜染同心

髻茉莉宵浮長命杯紅粉憑闌看比目顧影鴛鴦相對浴只

恨無因致牡丹那知天意多翻覆秋去春來水自流兩岸青

青草色幽又向橋南作王府移花種上越山頭是爲南漢所
建無疑矣

彩虹橋 在城西接流花橋水出海宋趙介有詩

通濟橋 在佛山堡明天啟五年邑紳李徵問待問改建霍尙
守爲記

伏波橋 [順德]縣治碧鑑海明成化二十一年創宏治四年知

縣吳廷舉累石爲址長二十二丈嘉靖二年知縣曾仲魁重
修林應駒有記

巨濟橋 縣西宋李仁修於此建五石橋今止存其二上曰巨
濟下曰明遠

德生橋 [東莞]縣南宋紹定間重建梁該有記

拱辰橋 縣北門水關內舊爲木橋明宏治中邑人何章倡衆

易以石祗順記之

迎恩橋 縣西舊名永津橋宋乾道間建以石易今石

北龍橋 縣北關口明嘉靖間主簿梁榮建邑人謝邦信有記
西湖孫杜橋 縣京山堤形壘上明嘉靖間邑人張瑛請於巡

按孫公參藩杜公建築因名

普濟橋 縣南宋元祐四年邑令李巖以長石跨海爲橋九後
水遷入港內九十餘灣又在此築堤四千一百二十丈卽鹹
潮堤

龍津橋 縣西南村宋嘉定間鹽宦周穆建舊傳橋成之日風

雨驟至波濤噴湧若有蛟龍奮躍之狀故建塔於側以鎮之

永濟橋 縣西南初爲木橋宋乾道四年邑令陳宴易以石明
宣德三年重修

廣濟橋 縣茶山明正德十年鄉人袁東溪等建鍾雲瑞有記

天王橋 [香山]縣橋頭村宋端宗曾經此故名其南有通濟亭

明洪武間建

清化橋 [新會]縣水關內明天順間知縣王重縣丞陶魯重建

參政胡拱辰有記

野渡橋 縣趙村宋紹興間趙碧厓建明永樂間修

貞節橋 縣陂頭村明陳獻章為母林氏建

妙宗橋 縣沙頭跨紫水宋紹興間邑人胡妙宗建

韶州府

大通橋 [曲江]縣南門外舊為阜民橋明嘉靖元年重建

東河橋 縣東門外宋慶元間創嘉定三年提刑陳煜重建江
面七百尺用舫五十元至元十一年洪水衝毀至大元年僉

憲張均重創後廢

西河浮橋 縣西門外宋天聖間殿中丞陳宗憲創慶元五年

提刑陳刪定重修計二十五舫鐵索一百六十丈橋成名慶

元嘉泰四年提刑陳曄更名嘉泰曲江尉江武記元至元中

橋廢至大元年曲江尹姬諒重修元末又廢明成化知府詹

兩宏治知府錢壙嘉靖知府陳雲松俱重修有記嘉靖十八

年知府符錫召賴匠更造方舟六十二舫相連翼以扶欄表

以綽楔東曰平正西曰濟川又建燕譽樓於津口推官陳衷

有記

雙橋 [樂昌]縣東南一曰迎恩橋一曰祿溪橋宋進士鄧純建

明天順間其裔孫茂重修

何公橋 [英德]縣西宋熙甯間郡守何智茂建

按洪邁容齋三筆作何智甫

蘇軾有銘明洪武間廢永樂八年知縣洪友信修改名通遠
嘉靖十三年知縣何世隆重建復名何公橋副使胡禮記

惠州府

東新橋 [歸善縣] 宋紹聖三年建明正德嘉靖間屢有修葺宋

蘇軾有詩

西新橋 縣西宋紹聖三年建人稱為蘇公隄蘇軾有詩慶元

丙辰郡守林復易木以石許霽為記明永樂間通判余貞重

建景泰間僧慧性重修嘉靖二十五年通判吳晉監生姚宏

重建

拱北橋 縣境故欣樂驛距朝京門皆水道宋治平間知府陳

偁建創堤二百丈中構石橋以洩橫澇之水曰陳公橋元季

圯明永樂四年知府鄭思賢重建宣德正統間屢修成化間

知府吳繹思建石橋正德間知府方良弼七年知府陳祥各
重修

永豐橋 縣西湖上明天啟間建韓日纘有記

興仁橋 [博羅縣] 元至元間建明正統萬曆屢修

小液橋 [海豐縣] 西宋紹興間知縣陳震建

大液橋 縣西明萬曆間知縣葉維榮建後圯今設官渡

南橋 [河源縣] 下城南宋端平中建又下城南有桂香橋亦宋

時建

龍津橋 [龍川縣] 又有白雲橋東橋西橋北橋俱宋知州宋詔

建推官趙汝獻有五橋記

仙女橋 [和平縣] 文天祥二女避元兵至此溺於橋下故名

化龍橋 縣南門外以船為之明嘉靖間知縣陳賓建旋廢隆

慶六年陳文彬造木橋又廢至崇正間設立田租冬造木橋設船春渡

潮州府

廣濟橋 [海陽]縣城東跨韓江舊名濟川橋西岸橋墩創於宋乾道間知州曾汪朱江丁允元孫叔謹通判王正公先後增築東岸橋墩創于宋紹興間知州沈宗禹陳宏規林標林會先後增築久之圯壞明宣德中知府王源疊石重修更今名姚友直有記後又屢圯屢修按潮橋創自宋代於唐無涉俗瑣高議酉陽雜俎神仙之說前人辨之詳矣去思橋 城西北隅宋嘉泰間趙謙建議有善政後人思之故名

沈侯橋 縣南門外宋開禧間知州沈垕建後葉觀重修更名

葉侯橋

和平橋 [潮陽]縣西南宋宣和二年僧大峯建長三十丈計十六洞其南北距岸兩洞未竣工而大峰歿邑人蔡震成之相傳大峰造橋時嘗牒城隍及水府潮水七日不至蔡震宋寶祐四年進士元泰定間重修明洪武八年僧奚言重修

麒麟橋 縣舉練都以文天祥經過得名

瀟湘橋 縣瀟湘村唐進士洪奮虬建

太平橋 [揭陽]縣治前明成化元年知縣陳爵建

深浦橋 縣境宋元祐七年建

大溝橋 縣境宋咸淳三年建明天啟年修

光華橋 [惠來]縣東明成化十三年潮陽知縣吳毅建又有惠

政橋祿昌橋亦吳毅建

仙人橋 [澄海縣西北宋咸淳二年里人張子貫建]

桂嶼橋 [普甯縣東桂嶼寨宋大觀間潮陽知縣吳惠成建南

渡後燬于寇隆慶甲申重修]

肇慶府

北門橋 [高要縣城北宋政和間知府鄭敦義建又城西有景

星橋亦鄭敦義建]

壽仙橋 縣松臺驛左舊在西澳口以木為之明萬曆二年知

縣張延熙重建易以石]

星渚橋 縣斗杓堂前渡明嚴文輔建有記]

躍龍橋 在石頂新寶明萬曆十二年知府王泮建十四年圯

於水知府鄭一麟重修俱有記]

騰蛟橋 在新羅都北港明萬曆間知府戴煊建區大倫有記]

文昌橋 [新興縣東門外舊名仁義橋其創不可考宋紹興間

州守王煥章重建或木或石圯修不一元元統三年達魯花

赤明萬曆二年知縣王民順創建石橋更名文昌二十四年

知縣姚舜牧重修有記後燬尋修]

化龍橋 [德慶州西孝通廟前舊刻有碎石二字下有白石泉

流注入江]

衛坡橋 [鶴山縣坡山村宋紹聖中蘇軾謫儋州宿此因以名

村而橋易以石]

高州府

興文橋 [茂名縣以近太平關名太平橋亦曰南橋明崇正五

年舉人卓錫蔣國紳等倡捐築石]

柳公橋 [化州泊東明萬曆間知州陸觀德修]

延華橋 [吳川] 縣城西明萬厯間建

雷州府

阜民橋 [海康縣] 參將署前宋乾道五年知軍事戴之邵建明

正德間知府王秉良重修

惠濟東橋惠濟西橋 在西湖宋紹興間知軍事何庾開渠建

閘及橋東長三丈闊一丈五尺元廉訪司經歷郭思誠照磨

龐宏文重修明永樂九年萬厯三十七年各重修西橋長二

丈闊一丈元郭思誠重修建亭於上曰眾樂曰狎鷗曰泳波

明洪武二十七年知府呂智萬厯三十七年推官葉際英重

修

寺門橋 縣城外西湖宋戴之邵建又有石渠東橋石渠西橋

官賢東橋官賢西橋冠英橋西門橋亦俱戴之邵建

第一橋

縣甯國坊南亭溪上明太監張永跨溪為橋因絕其

流民不便之嘉靖十二年知府黃行可甃石潛流直抵惠濟

東橋之下

第二橋

縣白沙坡邊宋乾道間戴之邵建

將軍橋

縣境宋僧妙常建以地有二石將軍墓故名

徐公橋

[遂溪] 縣南宋嘉定二年知軍徐應龍建

百丈橋

縣南特侶塘宋紹興間馮氏建嘉定十六年知軍陳

斌命僧妙應修李仲光有敘明正德十一年知府王秉良甃

石

龍濤橋通惠橋

[徐聞] 縣西南城脚通水關明嘉靖間知縣方

逢堯鑿渠通水自西而東名玉帶水建橋二

瓊州府

瑞雲橋 [瓊山] 縣城外南橋舊名虹橋宋建明天順間副使鄺
彥譽增高萬曆二十一年圯郡守阮純如重修三十三年地
震復圯鄉人修復

河口橋 縣東元建明宏治間知府張桓開河便糧運重砌
洗馬橋 縣城西南宋建又名馭仙橋

第二水橋 縣西明宣德間建以木天順間副使鄺彥譽更以
石

南門橋 [澄邁] 縣南門外宋乾道九年建明景泰嘉靖間重修
塔橋 縣封平石礮里一名博麻橋宋時建塔於上故名今塔
廢橋存

東橋 在倘驛都元知縣吳世孫建久塌

迎恩橋 [儋州] 城北明成化間知州羅傑建萬曆十八年知州

陳節因建掇魁橋折石而廢

洗兵橋 州城東番洋村明副使徐斐征黎屯兵建橋溪上

掇魁橋 州城北流明知州陳節建萬曆四十二年知州曾邦

泰修

平政橋 [萬州] 卽東山橋元翁汝賢建

萬里橋 [崖州] 城南元時建以木明景泰間易石

陽江廳

北門橋 廳北門外宋紹興年建明嘉靖間重修

連山綏猺廳

通靈橋 在諸鶯鄉宋紹興年建

興賢橋 在諸鶯鄉宋嘉定年建

連州

通滙橋 州城內以橋下之渠通於滙水故名南宋刺史鄧魯建

通莊橋 州新城內橋下之流出自育德泉南宋刺史鄧魯建
明知州侯禮重建因名新橋

步蓮橋 州東門外城濠上以橋下種蓮花得名

金水橋 在龍口宋諫議邵奕建張魏公嘗遊覽水勢自庚辛
來因名為金水

豐陽橋 陽山縣西北浦下鄉宋紹興間建

七鞏橋 縣南七鞏鄉宋熙寧三年建

文昌橋 西甯縣東門外明萬曆年建

太平橋 縣東明萬曆年建

南雄州

太平橋 州南門外宋初建以木開禧間易石改名平政寶慶
間趙續重修改名萬壽明知府張英易今名

崇濟橋 州東元時建明知府江璞修

三博橋 州東北宋知州黃歲建

長逕橋 州東宋知州李熙建

竹筍橋 始興縣南岸都元泰定間建

嘉應橋 州東宋淳熙間建元至順明宏治間俱重修

狀元橋 城東舊志云以百花洲尾齊洲寺前此地出狀元故
名或云以宋文信國過此得名今名靈濟橋

饒公橋 城東明成化間處士饒嵩建李象元有記

百花橋 城西百花洲宋慶元間建

西河浮橋 興甯縣明嘉靖二十年知縣黃國奎重修祭酒鄒

守益記

萬姚渡 在水口明知縣萬德鵬捐建知縣姚元膺成之故名

白溝橋 長樂縣明嘉靖間僉事尤瑛建

廣東攷古輯要卷十二

城址

廣州府

廣州城 南海縣顧祖禹方輿紀要云今府城也通歷周夷王

八年楚子熊渠伐揚越自是南海事楚有楚亭舊圖經廣州城始築自越人公師隅號曰南武吳越春秋闔廬子孫避越嶺外築南武城後楚滅越越王子孫避入始興令師隅修吳故南武城是也秦以任囂為南海尉初居隴口西岸俗名萬人城既乃入治番山隅因楚亭之舊俗謂之任囂城又相傳南海人高固為楚威王相時有五羊銜穀穗於楚亭遂增築南武城周十五里號五羊城及趙佗代囂益廣囂所築城今謂之趙佗城漢平南越改築番禺縣城於郡南六十里為南

海郡治今龍灣古壩之間是也號佗故城曰越城後漢建安

十五年步騭為交州刺史以越城就圯乃廓番山之北為番

禺城後又遷州治於此自是不改唐廣明間城為黃巢所焚

天祐間清海節度劉隱更築鑿平禺山以益之宋明以來屢

有增葺按顧氏之說本諸戴黃二志所引通歷乃唐馬總所

著熊渠伐揚越事見史記楚世家其文云熊渠與兵

伐庸揚粵至於鄂索隱曰有本作揚雲據記文與註則揚雲

當在房鄧之間乃江上楚蠻之地未必是今之粵東也通歷

世無足本不可考圖經所云公師隅事吳越春秋越

絕書皆無此文他書亦無佐証疑以存疑錄以備考

陸賈城 縣西志云賈使南越時築一云趙佗館賈於此

盧循城 縣南狀如方壺南漢時以為倉廩人呼為劉王廩循

子孫留居之為盧亭蠻戶

龍潭城 順德縣西元末土酋盧實善據此與何真角立築土

城以自固延袤千有餘丈明正統末黃蕭養復據此亦名千

人聚

五婆城 清遠縣東北相傳有五節婦共築故名案五婆城凡

遠一在英德彈子磯考輿地紀勝武婆城在興寧縣西二里

當五代擾攘武婆糾合村落屯堡自衛疑五婆乃武婆之誤

韶州府

王城 曲江縣南一名故都城地勢儉固晉義熙初盧循克廣

州徐道覆移始興軍據此城見元和郡縣志

古州城 在水西去今州城一里唐刺史鄧文進移州水西改

為之今號古州城

古城 州南宮灘下十里輿地紀勝晉末盧循竊發番禺以徐

道覆為始興守道覆保始興因險自固於此嶺門增修城守

今宮灘下地名古城是也按輿地紀勝有王城引元和郡縣

志云云又別出南宮灘之古城其

為二城無疑後人謂

古城即王城非也

任囂故城 [樂昌縣] 水經注隴口西岸有任將軍城南海都尉任囂所築也囂死尉佗自龍川徙居之

仁化古城 [仁化縣] 北舊經云昔尉佗自王南粵以五嶺為界乃築城於此以定境

萬人城 [英德縣] 西尉佗所築

惠州府

河源故城 [河源縣] 志齊據桂山之幹為城而枝布為三郭環之元末陷於寇因廢明洪武二年徙於壽春志即中下二郭濱江為城隆慶五年遭水患復修古城萬曆十年始入居焉即今治也

潮州府

水寨城 [澄海縣] 蘇灣白塔寺右明洪武三年指揮俞良輔建

此以泊戰船今圯

廉州府

青牛城 [合浦縣] 即越州故城元和郡縣志云陳伯紹所理郡國志伯紹平夷至合浦見三青牛圍之不獲即於其處置城俗號青牛城

南雄州

鼻天子城 [始興縣] 南邢階水側見水經注寰宇記云鼻天子未聞也

庾勝城 縣大庾嶺漢樓船將軍楊僕出豫章擊南越裨將庾勝城而戍之故嶺名大庾其東四十里勝弟所守故名小庾越王故城 在梅嶺舊志云秦并六國越復稱王自臯鄉踰零陵至南海梅鎬從之築城瀆水上奉王居之瀆水出梅嶺築

城當在嶺間故梅嶺亦稱越王山案梅嶺事見於史記漢書無奉越王築城滇水上之說然舊志本之唐宋圖經必非臆造也

嘉應州

武婆城 興甯縣西二十里輿地紀勝云當五代擾攘寇盜猖獗武婆糾合村落之眾屯堡自衛故基猶存

廣東考古輯要卷十三

第宅

廣州府

四峯書院

南海縣西樵寶林洞四峯中若盤谷為霍文敏公宅中有崇禮堂前為環翠樓後為卧雲樓

雲谷書院

縣西樵山上明湛若水建

大科書院

縣西樵湛甘泉講學之地

石泉書院

縣西樵明方獻夫建有記中有紫雲樓沛然堂

壽安院

在舊威遠門外宋寶祐間提舉劉震孫建廨庫於南濠街收其息以贍貧病者李昂英有記元季燬

南漢廢宮

縣子城中五代史南漢世家劉氏有南宮大明昌

華甘泉

玩華秀華玉清太微諸宮凡數百不可勝記今盡湮



宮有鐵柱十二宋柯述取其四植於帥府正廳今藩司署鐵柱是也一沒於城東濠一沒於直司泥淖中餘莫知所在又有離宮在藥洲之上

南越王弟建德故宅 在西城內即今光孝寺吳虞翻移交州時所居有園池

劉氏雙闕 縣境宋乾道中劉氏二女其母久病一割肝一剔股以奉之母乃瘳連帥龔茂良上其事旋即所居立闕

廣安宅 在崇報寺東宋瀆熙中運使管鑑兼提舉常平請於朝以沒官田給仕宦子孫之落南者宋未燬故址今爲南海縣

何潛故居 縣境明陳獻章東曉序略云何氏子居南海之濱更名潛榜其居曰東曉

尉佗樓 在南粵王廟址唐許渾登此有詩云南來作尉任置

力北向稱臣陸賈功簫鼓尙陳今世廟旌旗猶鎮昔時功斗南樓 在府治後城上東瞰扶胥西望靈洲南瞻珠海北倚

越臺森列萬象四望豁然宋經畧朱師復建師復有詩

清海軍樓 縣境宋元符二年柯公述所創折公彥質重建於紹興二十年見宋方信孺南海百詠

越樓 在闔閩中輪因爲一郡壯觀昔名共樂樓程師孟有詩詩隱樓 縣境宋黃鑄築李昂英有記

嶺南第一樓 在坡山五仙祠前即禁鐘樓明洪武七年參知政事汪廣洋建十年改鑄禁鐘繫之聲聞十里

控海樓 在靈洲舊名棲霞閣明副使徐文溥更今名

奎翰樓 在梁文康公祠儲歷事四朝所賜墨書數百函其子

孫構樓藏之

望氣樓 在靈洲山晉郭璞至此占曰南海盛衣冠之氣後人遂建茲樓

賜書樓 在官祿巷又清寧里有宸翰樓俱明方獻夫建

吹笙亭 在浮邱山明萬曆庚辰翰林侍讀羅志皋以忤宰執出為粵副憲闢其地為紫烟樓晚沐堂又建浮邱葛洪二仙祠及吹笙亭鑿方池於其前為西遊賞勝處

鑑空閣 縣城上宋蘇軾詩明月本自明無心孰為境挂空如冰鑑寫此山河影

廣朗閣 在西樵山又有二妙閣俱明湛若水建

廣平堂 縣境南海百詠宋廣平都督廣州越俗始知棟宇張燕公嘗為遺愛碑頌

十賢堂 縣城內宋元祐中經畧張頴取前代賢牧滕修吳隱之王琳宋璟盧奐李尚隱李勉孔戣盧鈞蕭傲十人祀之見輿地紀勝又宋史蔣之奇傳云之奇知廣州以南海饒寶貨為吏者多貪聲取前世牧守有清節者吳隱之宋璟盧奐李勉等繪其像建十賢堂以祀冀變其習

八賢堂 在十賢堂東南輿地紀勝云淳熙中經畧周自強取本朝賢牧潘美向敏中余靖魏瓘邵奕陳世卿陳從易張頴立祠

元老壯猷堂 縣境宋建李昂英有記

師悟堂 縣境宋史廖德明傳德明在南粵時立師悟堂刻朱熹家禮及程氏諸書公餘延僚屬及諸生親為講說遠近化之

世德堂 在郡城西亭子岡爲宋司務羅寵建明唐壁有記

粵會堂 在石門明成化六年建胡榮有記

喜雨堂 在明都督府行署堂西都御史韓雍建後易名後樂

大雅堂 在浮邱山郡人祀趙志臯其中明葉春及有記

甘溪陸公亭 在城東北吳刺史陸元築堤瀦水以便民汲民

德之建亭溪上唐節度使盧鈞復加疏鑿以濟舟楫更飾廣

廈爲踏青游覽所南漢廣之爲甘泉苑中有泛杯池濯足渠

避暑亭

餘莫亭 在朝臺唐刺史李毗建

扇子亭 縣境十國春秋李蟾妃事漢主得寵南海有蘇氏園

雅擅幽勝漢主携妃微行至此憩酌綠蕉中大書蕉葉口扇

子仙後人構亭於上因名

彙亨亭 在朝天街宋漕貢進士陳宜家塾八世孫刑部主事

禱建

朝亭 縣西戩船澳宋書泰始四年劉思道攻廣州刺史羊希

遣兵禦之朝亭卽此後爲西侯津亭明時爲迎送之所成化

中都御史韓雍扁日華節或以此卽朝臺誤

環翠亭 在靈洲蘇軾題

敬亭 在西樵山明霍韜建從孫尙守修

味月亭 縣境明陳獻章味月亭序略成化丙午春五羊何子

有載酒過白沙對月共飲延緣數夕告子曩夢遊仙甚適扁

所居第爲味月亭識夢境也願乞一言以歸予口占一絕云

騎羊仙客去仙城風韻千年落杳冥羅浮道士來何處笑倒

君家味月亭

劉王郊臺 城西南漢時郊於其上

石屏臺 縣治西宋蔣之奇建有池百餘步池中列石其狀若

屏黃志云卽南漢明月峽玉液池也舊有含珠亭紫霞閣每

端午令宮人競渡其間

見日臺 在西樵大科峯巔有古臺鷄鳴見日明湛若水廓而

新之

瀟灑軒 在光孝寺宋知廣州蔣之奇建之奇題詩云一斛檳

榔互獻酬禪房亦復種浮留憑師稍稍添松竹便可封爲瀟

灑侯

聽雨軒 縣境明詩人王佐所居黃哲有詩

越華館 縣西寰宇記云朝臺西三十里卽圓圃尉佗傍江構

越華館以送陸賈因稱朝臺按寰宇記此文疑有訛闕後人

因此以朝臺爲朝亭誤矣

玉泉精舍 在西樵山明湛若水建

鐵泉精舍 在西樵山鄧順之讀書處明歐大任有詩

安樂廬 縣境宋嘉定中經畧使廖德明卽河泊衙故址創以

待旅候無歸者滄祐中經畧使方大琮通判左師呂以豪民

所侵地重修在繡衣坊景定中經畧趙汝暨移至六祖寺北

劉王花塢 在郡西六里名半塘卽劉氏華林園又城北有芳

華苑芳春園城南有望春園今盡爲民居惟花塢故址僅存

昌華苑 在荔枝灣一名顯德園亦僞劉故址

荔園 縣境唐曹松有南海陪鄭司空遊荔園詩

訶林淨社 在光孝寺西廊明梁有譽黎民表歐大任等結詩

社於此

浮邱詩社 縣境明萬歷中郭棐致仕歸與陳堂姚光泮張廷

臣黃志尹鄧時雨梁士楚陳履鄧於蕃袁昌祚楊瑞雲黃整
陳大猷王學曾金節郭槃凡十六人闢浮邱社以續南園

楊子宅 [番禺]縣珠江南岸大洲漢議郎楊孚故宅宅畔植五
鬘松冬雪盈樹人異之目其地曰河南唐許渾詩河畔雪飛
楊子宅卽此

白雲書院 卽白雲寺址明嘉靖間湛若水建

泰泉書院 卽白雲景泰寺址明黃佐建

城南樓 縣境陳江總有秋日登廣州城南樓詩

拱北樓 在布政司南卽唐清海樓也其地本番禺二山之交
南漢劉龔削平之建雙闕其上宋濬祐初經畧司馬倣重建
元季燬明初仍建爲藩府雙明

海山樓 在鎮南門外山川拱揖百越偉觀此爲第一樓下卽

市舶亭宋嘉祐中經畧魏炎建元季燬宋陳與義有詩

遠華樓 在大市中舊名粵樓宋給興四年漕使王正言重建

易名共樂元大德中元帥羅璧新之扁曰遠華後燬

鎮海樓 在府北城上一名望海明初永嘉侯朱亮祖建樓五
層高八丈許上矗雲漢俯極四陲嶺南奇觀以此爲最明黎
民表有詩

玉山樓 在粵秀山上明洪武初都指揮花英建以祀先賢高

固楊孚董正羅威唐頌疏源陳臨王範黃恭九人

樾森樓 在沙灣鄉明光祿卿王漸逵講學處

海印閣 城東南沙州海印潛石也半出波際上有京觀樓雉
堞四周與海珠浮邱相望隱隱若三台象

御書閣 在聚龍岡舊志有康與之順菴南海百詠云高宗御書扁榜有龍蛇飛舞之勢今刻石尚存或謂學士李祐卿墓在此宋度宗常賜以恩袍草色動仙籍桂花香之句因名未知孰是

蓮鬚閣晴眉閣 俱在濠賢街明黎遂球讀書處

瑞澤堂 在官園巷有古檜雷轟為三相傳東坡南來寓此時有甘露降其上元未燬

頤堂 在郡署宋余靖有寄題廣州田諫議頤堂詩

師吳堂 縣境宋黃公度詩方君即南越千載少倫擬燕居榜師吳一謙具四美

齊雲堂 在白雲山宋時創久廢嘉靖中重建宋索求有詩安樂堂 縣境元至元間建為廣州軍士治病之所歲遣百戶

一員常省視之後燬

粵洲草堂 在粵秀山下明隱士黃畿讀書處

天山草堂 在河南古林莊明尚書何維柏建為懸車之所

嘉顯堂 在仙湖里明大學士何吾騶故宅

浴日亭 在扶胥鎮鷄鳴見日若凌倒景明初廖永忠易名拱日今仍名浴日宋蘇軾揚萬里有詩

番山亭 在府學宋乾道中經畧使周自強創榜曰九思明景泰中重建

雙槐亭 在番山側西明知縣黃瑜所居

看竹亭 在郡城詩書街明左通政參議張詡所居

朝臺 縣東北尉佗初遇陸賈處水經浪水注云佗因岡作臺北面朝漢圓基千步直峭百丈頂上三畝複道迴環委逸曲

折翔望升拜名曰朝臺唐許渾陸龜蒙有詩

越王臺 縣北二里臺岡一名越井岡又名天井唐廣州司馬

劉恂謂岡頭有古臺基卽佗所築也連帥李玘於遺址構亭

僕射鄭愚又加崇飾宋元間屢毀屢建經畧陳宗禮扁曰極

高明後經畧劉應龍仍榜曰越王臺元宣慰使塔刺海顏曰

拱極明永樂初都指揮花英建觀音閣其上今改爲名德祠

唐宋之間許渾宋唐庚文天祥元許有壬有詩案射佗有臺

兩臺外又有新興之白鹿臺長樂之長樂臺粵中臺榭之古無踰此者

鶴舒臺 在蒲澗安期生飛昇處

臨清軒 縣境明詩人趙介所居明孫蕡有臨清軒題壁詩

廣思館 在府城內北一里後爲開善寺今廢唐節度使孔殘

建以居南謫子孫流落不能自存者

西園 在郡署宋余靖有寄題田待制廣州西園詩

南園 在府城南中有抗風軒明初孫蕡黃哲王佐李德趙介

輩結詩社於此稱南園五先生後歐楨伯梁公實黎惟敬李

少偕吳蘭皋復結社於此園稱後五先生又小壯門有北園

爲明黃佐書院今廢

小雲林 城內明嘉靖中李待問所築有湛碧亭月波橋招鶴

亭馭風亭影山樓青霞精舍鈞月臺諸構

雲淙別墅 在白雲山明崇正中陳子壯所闢與名流區懷瑞

曾道唯高賚明黃聖年黎邦城謝長文蘇興裔梁佑遠陳子

升區懷年黎遂球共十二人吟咏其中復脩南園舊社

東皋 東門外明御史陳子履建爲一時名園今廢

羊額書院 順德縣羊額堡宋淳熙間縣尉盧滄建

久遠堂 縣陳村宋理宗御書賜侍郎李昂英明洪武間其後人建祠懸之

沙洲草堂 在赤花村明區世元隱居

雪聲堂 在龍山鄉明陳邦彥故居

敘英亭 在都粘堡宋梁節建其孫民縉重修學士錢溥有記

謫仙亭 在鹿門村為明翰林鄒智建

蓼莪亭 在平步堡明鄉儒唐豫痛親遭湛萊民之禍作亭以寓孝思主事劉履為之記

舒嘯亭 縣治內明知縣吳廷舉建嘉靖間知縣吳寵改建鎮

宇樓

甘露亭 縣南關外明知縣胡友信建時有甘露之瑞故也

勸農亭 阜南門外舊為花園廟明知縣吳廷舉改為亭書農

事要語於壁

林軒 在文溪上明道人黎平叔栖息處

蓮園 在龍津明歐大任建一時士夫唱和甚盛

梅花莊 在龍山梅花環其側明道人張燦讀書處

碧梧園 在篁村邑貢生李殿苞築袤廣十餘畝古木陰森蜿

蜒天巧其子瑄朗建亭其上款曰一簣山房文人多題詠

紫霄詩社 縣境明知縣林應驄以紫霄圃改建又作二亭曰

借樂日雪鴻今圯

鄧公壘 縣南宋末廬陵鄧光荐避地入廣居此

宋行朝 東莞縣西南梅蔚山宋景炎丁丑帝舟次於此營二

殿故址猶存

漢孝子黃舒故居 縣東舒以孝聞人目其居曰參里以其行

似曾子也

經史閣 在舊儒學宋建李昂英有記

望至堂 在烏沙宋季潮州教授李佳痛其母忠烈蹈海死因

作此堂以望母

六君子堂 在儒學寶書閣後祀宋五子及南軒張氏於中後

廢

廉泉亭 在黃嶺下宋紹興間縣尹張勳建元攝令郭應木重

建侯圭為記

青紫峯亭 在黃旗嶺宋陳應宸所居應宸有詩

仙履亭 在紫霞壇上羽士崔羽羽化之所

高遠亭 在南岡上舊名拱宸後改共樂宋紹興中知縣張勳

重建易此名今圯

致喜亭 城西宋劉宗暨弟玉隱居此

鳳凰臺 在道家山相傳昔有鳳凰集於此因名鳳凰岡建臺

其上明祁順有詩

覽秀臺 在道家山尉解後元大德中縣尉劉進嘗剖肝療母

病於此至大中縣尉陳仕俊於臺上建亭仍榜曰覽秀

竹隱精舍 縣南宋開慶中御史周梅叟為邑儒李用建理宗

御書竹隱精舍四字賜之從經筵官劉震孫請也遺址尚存

余襄公候潮處 城南武山下潮汐稍長可辨宋余靖常候潮

於此作海潮序

宋行宮 [新安縣有二一在梅蔚山一在官富場

望烟臺 在鳳凰巖下相傳文丞相姪應麟之子孫家於嶺下

為何左丞部將值歲荒建臺登眺凡家無饜烟者賑之

大觀臺 在天妃廟後層巒聳峙俯瞰滄溟為一邑巨觀今圯

翠峯草堂 從化縣韶峒明隱士黎元昌讀書處

濟川亭 在古樓潭明正德中知縣邢維高建

武臺 縣境明歐大任詩南武千年國將軍百尺臺何人通越

路西引夜郎來

貢士庫 增城縣宋建李昂英有記

菊坡書院 縣南鳳凰山麓卽崔與之故居

蓮花書院 縣西南又有獨岡書院皆明湛若水建

崔清獻故宅 縣西街公榜燕居以菊坡題曰韓魏公云保初

節易保晚節難余嘉定辛巳建制闡於益昌愛公寒花晚節

之句築菊坡以自適今告老歸里復以名其居後文溪李公

侍講經筵理宗思公風節嘉歎久之書菊坡二字賜其家

席光亭 鳳凰山西明湛若水建

修禊亭 在飛泉洞左明黃拱寅有記

釣臺 在沙貝村明湛若水垂釣處

樵林 在沙貝明湛江宅

馬南寶宅 香山縣沙涌宋端宗駐蹕於此馬南寶獻粟饗軍

七日其故址卽今馬氏太宗祠

友琴堂 縣前明鄉賢黃瑜故居

觀潮亭 縣西南元至正二年建後燬

新美齋 在四字都宋景定間邑人所建鄉塾也元沈普有記

孝義坊 四字都宋孝子阮與子宅

宋行宮 新會縣崖山祥興初帝昺南遷時建又有行朝草市

祥興二年丞相陸秀夫負帝沈海死之其地遂墟明劉堦過

此有詩

慈元殿 在行宮後帝昺建以奉太后楊氏遺趾今為全節廟
古岡書院 縣西南元至元中知縣沈壽為羅蒙正建明洪武
中以築城廢

明陶魯故宅 在大新街陳獻章題曰世烈堂久廢

嘉會樓 縣東白沙江濱明宏治中御史熊遠欲為陳獻章建
道德坊獻章力止之因建此樓

碧玉樓 在江門明陳獻章宅獻章有次韻伍南山賀碧玉樓
成詩

晚海亭 縣西宋慶元中番禺尉方信孺攝縣時建元末廢
坡亭 縣北石爆岡宋紹興中蘇軾謫官儋州留此數日居人
慕之築亭於上

楚雲臺 縣東白沙村明楚人李承箕故寓陳獻章建知縣曹
參額其堂曰景賢

秫坡釣臺 縣東明黎貞辭辟命所築

江門釣臺 在江門明陳獻章建

尋樂齋 在白沙村明伍光宇所居

廬阜精舍 縣南小廬山上一名小廬山書院明陳獻章建

何子讀居堂 三水縣崑都山麓明尚書何維柏讀書處

湛碧亭 縣境昔楊子中居此明孫蕢記

驛亭 在胥江明汪廣洋有登胥江驛亭詩

玉鏡臺 在胥江明汪廣洋詩海上安期去不回石門花落又

花開幾時相約騎黃鶴爛醉秋風至鏡臺

學士軒 華山寺明學士黃諫判廣州愛山奇勝常憇是因名

石屋 在龍池山上相傳唐黃巢所築

仙果園 在大潭山上相傳有仙果遊者竊懷則迷歸路

峽山書堂 清遠縣峽山寺東書堂坑相傳黃帝二庶子隱此

讀書明張翊詩僧寺依山麓書堂面水隈鼎湖龍馭遠禹竹

鳳聲哀禹貢不及載秦關尚未開如何二帝子萬里卻能來

全清閣 在峽山宋李昉英有詩

葛仙亭半雲亭 俱在峽山明歐大任有詩又有半山飛泉亭

楞伽臺 在清遠峽唐李羣玉有將遊羅浮登楞伽臺留別羽

士詩

韋氏園 縣境唐韋宙帥南海時每至其處則慕樂耽隱自名

為韋氏園林

韶州府

舊濂溪書院 曲江縣宋知州周舜元建朱熹為記

翠峯書院 縣西北一名潁江書院明嘉靖中建祀知府苻錫

晉王導宅 在水西今為光運寺見輿地紀勝按晉書王導本

興郡公然其實未嘗至始

陳侯安都宅 縣西桂山之下舊刻范雲詠桂詩云南中有八

樹繁華無四時不識風霜苦安知霖落期今詩不存

張九齡宅基址 縣東平圃驛畔宋楊大異提點廣東刑獄時

嘗訪張九齡故宅建曲江書院祀之陶穀清異錄云張曲江

里第之側有枯樹嘗因狂風發其一根解作噐具花紋甚奇

人以公之手筆冠世目之曰文章樹

風度樓 在府門通衢宋天禧中郡守許申建唐明皇每用人

必曰風度如九齡否郡人取以名樓

朝陽樓 在武水西城堞上唐皇甫湜有記

韶陽樓 南門外臨江創始無考元末廢唐許渾有夜宴韶陽

樓詩

望京樓 在武水西宋寶元二年建余靖有記

文奎樓 在通衢中刊科第題名明嘉靖中知府鄭驪建

張九齡書堂 城南在上白石內石室臨近大江見寰宇記

政寶堂 在府治西花園中有宋蘇軾黃庭堅石刻宋末兵毀

思古堂 在舊府治南宋郡守狄咸建蘇軾書扁左右有燕譽

魚樂二亭

清淑堂 舊九成臺下宋王安石侍其父益守韶日讀書於此

金鑑堂 府治西花園中宋末建取張九齡所上金鑑錄以名

中流砥柱堂 縣境明崇正間知縣潘復敏重建有記

拱極亭 在芙蓉山漢康容鍊丹之所泉出山頂石罅極清冽

明知府符錫遊此以韶山皆趨南獨此北向構亭題曰拱極

韶亭 在韶石上宋潘伯恭建余靖有記

湧泉亭 縣境宋慶歷七年建余靖有記

望韶亭 縣東宋范端臣有記

整冠亭 在筆峯山上宋愐熙郡守梁安世建取韓退之卜賓

虞舜整冠裾之句以名安世有記

盡善亭 城東宋蘇軾有登盡善亭望韶石詩

相江亭 在東門外一里宋時饒別處

燕譽亭 在城艮隅下瞰相江陳文惠公書扁後廢因并撫燕

譽亭字於蔣穎叔碑陰

鳳來亭 在筆峯上明知府周敘改筆峰曰鳳來古有亭久廢

更上亭

在芙蓉山明知縣潘復敏建學道魏浣初題額

逍遙臺

城南武水東隨刺史薛道衡建唐張九齡有序及詩

舊九成臺

在府治北城上古名聞韶宋郡守狄咸建建中靖

國元年蘇軾與蘇伯固北歸狄守延飲臺上伯固謂舜南巡

奏樂於此臺宜名九成軾即席為銘自書刻石臺上後以元

祐黨事碑毀臺廢

九成臺

在西城上即武溪亭址舊九成臺廢遂以此亭為臺

明洪熙成化間屢有修葺

蜆仙臺

在碧樂峒石壁險絕處云有蜆骨宋崇甯間廣帥王

渙之躋攀觀焉

澗水館

在郡城南宋景祐五年太守狄咸建余靖有記

甘泉精舍

在濂溪書院右明嘉靖中巡按洪垣知府符錫為

湛若水建

張丞相園

在南山下唐張九齡所闢九齡有自作郡舍南園

詩

余靖西園

在縣內余靖有酬祖無擇見訪西園詩

龜峯書院

樂昌縣南明嘉靖中知府符錫建前有洗心亭

望瀧樓

在瀧口廟前明白瑞素建

花萼里

在城東宋鄧紹續純兄弟故居

仙人石室

縣西室外籐蔓聯絡登之者攀緣而入有石牀石

印此即泐溪福地仙經七十二福地之一宋余靖有記

濂溪書院

仁化縣治南明嘉靖初知縣于祥建久廢

望江樓

縣南明外明萬厯中知縣司馬暉建今圯

仰止書院

乳源縣東舊為崇甯觀明嘉靖中改為書院祀

唐韓愈宋朱子

講書堂 縣東宋進士胡賓王讀書於此有濯纓亭几案皆石
琢遺蹟尙存

擬沂亭 在溫泉上明通判符錫建後遷於溫泉東南峰上

翁山書院 翁源縣城東明嘉靖間建崇正時知縣朱景運闢

夢花社於此今圯

唐進士巢迪宅 在水源山下基址現存

梅鼎臣宅 在縣西北江鎮今猶曰梅村

邵謁書堂 縣東江水中江水有嶼高九十丈周五里謁建堂

於上爲讀書之所今有石尙存

六里亭 在六里墟明知縣朱景運顏曰省風

涵暉谷書院 英德縣南山下宋景德初郡守王仲達奉詔建

宋李南仲故居 縣境人呼其讀書處曰李秀巖

煙雨樓 縣治東千巖萬壑羅列遠近宋時建米芾有題

坡翁堂 縣治西宋蘇軾謫惠州憇此故名

讀易亭 縣南山石汝廟解易於此故名明知縣張慎重建

望仙亭 縣境宋譚粹有詩

眾樂亭 縣南山臨澄江宋郡守方信儒建連希覺爲記

三灣亭 縣北輿地紀勝岑水曲江合流至此而泝水有三灣

環山而瀦澄澈可鑑宋元祐間廣帥蔣之奇建亭於此

薰風亭 縣鳴絃峯下宋李修有記

所菱亭 縣南峽山舖左明知府符錫開鑿峽路立亭刻石以

志之

觀泉亭超然亭 俱在縣潮水嶺明嘉靖中建湛若水題額

惠州府

張留書院 歸善縣西南石埭山宋丞相留正秘書郎張宋卿

少時共學於此

天泉書院 在西湖北明建葉夢熊有記

東坡故居 在白鶴峯上宋蘇軾謫惠卜居於此有德有鄰堂

思無邪齋娛江亭悠然亭及硃池墨沼又有東坡井紹興中

虔冠謝達陷惠州焚蕩無遺獨留東坡故居致奠而去

唐子西故居 城南宋博士唐庚謫惠寓焉廬曰寄傲庵曰易

濶祐中州守劉克莊復祠之後廢

留正故居 府城北一名丞相宅宋相留正於此建第故名

陳侍讀故居 府城內舍人菴宋紹興間陳鵬飛謫惠居此面

湖築室亭曰窺圃湖曰謫宦濶祐中州守趙汝馭祠之後廢

王御史宅 在東平坊御史王度死事後沒入官為侯邑博宅

翟夫子宅 縣白鶴峯宋翟逢亨藏修處蘇軾白鶴新居欲成

夜過西鄰翟秀才詩林行婆家初閉戶翟夫子舍尚留關連

娟缺月黃昏後縹緲新居紫翠間

合江樓 城外東西二江合流處宋蘇軾嘗寓此有詩

湖平樓 在府治萬石坊明正統中建初名鐘樓萬歷中守道

沈麟祥重建易今名

平湖閣 在豐湖泗州寺前即西新橋之飛閣宋紹興中建諺

云鰲湖平出公卿閣名本此

文惠堂 縣境宋陳堯佐為州守故名有堯佐手植荔郡人呼

為將軍樹濶祐初趙汝馭改為延相堂堂後有春圃圃東壘

石為島曰蓬萊上有亭曰飄雲堂原在城東北成化間徙元

妙觀左宋蘇軾有詩

陳使君堂 在拱北橋宋陳偁知惠州其子璿隨侍有德政民生祠之

逍遙堂 在豐湖芳華洲之上趙汝馭書扁

何左丞祠堂 城西銀岡之麓後其子孫得罪徙家其地為馬指揮宅明宋濂有左丞祠堂記

野吏亭 在府治東北宋咸平初州守陳堯佐建皇祐中黃守仲通葺之且刻詩於石紹興中方守子容復葺之蘇軾記其壁

松風亭 在彌陀寺後山之巔植松數十株清風徐來因名宋蘇軾有十一月二十六日松風亭下梅花盛開詩

江郊亭 縣境蘇軾有詩王註云白鶴故居圖亭在先生故居

之東臨江負山

復泉亭寒浚亭鰲咏亭 俱在石埭山飛簾洞宋乾道中州守

王寧建洛人康與之記

森巖亭 在舊治之東宋進士梅蟠有記又有南薰挹秀近東坡故居三亭皆遊息之所

六如亭 在西湖上栖禪寺東南東坡侍妾朝雲葬此取金剛經偈語志其墓後人因構亭曰六如宋劉克莊詩吳兒解記真娘墓杭俗猶憐蘇小墳誰與惠州耆舊說可無坏土覆朝雲

孤嶼亭 縣西宋太守陳偁建

印山亭 在郡城內百官池上宋州守謝璩建明正德間郡守方良節修嘉靖間郡守李玘重建玘有詩

第一江山亭 在府治後圃明天順中知府李叔玉建旁有方舟方壺二小亭參政吳高記

湖山勝覽亭 在永福寺明正德中郡守陳祥闢濬祠改建知縣祝允明記

超然臺 在西湖下明建案明楊起元有超然亭記亭在西湖萬歷間建疑即此臺

平遠臺 在豐湖西極高峻湖山一覽無遺為游玩之勝今臺廢有碑跌存焉

敦仁精舍 在東新橋南明楊起元築

李氏小園 在郡城南宋瓊州安撫使李思純別墅也臨江有閣曰潛珍東坡有賦

舍人巷 府治南五代時張超遠為起居舍人因名

萬石坊 郡治南以宋黎獻臣李思純李思義陳周翰陳開五

太守所居因名

張留書院 博羅縣羅浮山水濂洞後張宋卿留正為布衣時

講學於此後有黃生居之宋林千之有贈水簾洞黃秀才詩

豫章書院 縣西北宋羅從彥讀書處

軒轅生故居 在羅浮山白雲洞唐軒轅集居此皮日休陸龜

蒙李洞皆有詩

平雲閣 縣境唐武后遣使入羅浮採藥至此迷路禱於神是

夕羣象踏山開路學士張鷟立碑記之今碑已不存

雲閣 縣西宋紹興間祕書郎張宋卿建今圯

鄭公書堂 在羅浮山幽居洞後宋寺丞鄭玠讀書處與逍遙

子為侶始名白雲庵咸淳中玠子惠州守康佐建

遺履軒 在羅浮山冲虛觀相傳南海太守鮑靚嘗夜訪葛洪

與語達旦乃去人訝其往來之頻而不見車馬密伺之但見雙燕飛至網之則雙履也因構是軒

彩雲軒 在冲虛觀左相傳唐天寶間麻姑降於此因立軒

甘泉精舍 在朱明洞之西明湛若水建

羅浮別墅 縣境唐詩紀事高駢好神仙嘗為節度赴安南有

詩云不將真性染埃塵為有烟霞伴此身帶月長江好歸去

博羅山下碧桃春蓋有別墅在此山今未詳何處

瑤石山房 在瑤石臺之南明黎民表讀書處

茶園 羅浮山志云王體觀別業也在觀原人從之近三百家

所居成村

梅花村 羅浮飛雲峯路側有趙師雄醉憩事

文山書院 海豐縣東南明提學魏校建又有桂林清明西峯

三書院亦魏校建今俱圯

大顛故居 在法留山巔石壁如屋唐元和僧大顛居之

登瀛坊 縣東為宋范良臣故居列石十八開禧三年刻登瀛

字於石

宋陳讜故寓 縣東有石高二丈五尺方二尺祥符中讜宦遊

寓此大書桂林二字遂呼桂林石

宋帝亭 在甲子所待渡山下宋承奉郎范良臣建

方飯亭 在五坡祠後有甘公亮記明知縣張濟時建

倡南書院 河源縣明縣令鄭敬道建祀宋古成之

象宿樓 縣北宋端拱初古成之登進士同科二十八人時稱

二十八宿鄉人榮之為建此樓

九松書屋 在瀧下明邑人李壽致仕歸讀書處

嶽峯書院 龍川縣嶽山之陽宋循州守梁克俊建以祀章學

士王尚書元季圮

東山書院 在東山寺宋循州人為丞相吳潛建今彭侯書院

即其址

望高書院 在五馬峰下宋尚書王汝礪建久廢

尉佗故宅 縣治西唐時立祠今為光孝寺

宋王尚書故宅 在嶽湖明黃縉於其地得汝礪所佩璫及古

硯刻有礪字

鳳凰吟舍 在望高書院左明宏治初邑人築書舍掘地得石

携此四字即以是名

御書閣 縣境宋郡守宋煜建端平二年州守宋翊重建久廢

默化堂 縣治宋周彥質守循建於公署之西偏蘇軾榜曰默

化

蘇陳堂 縣白雲橋西舊名臺隱宋蘇轍陳次升謫官時所居

隆興初循守彭億更名曰蘇陳像二公而祠之後廢宋王邁

有記并歌

介壽亭 在雷鄉驛左宋郡守韓京因母病禱於天后而愈乃

創於天后宮前今圮

飛躍亭 縣北宋紹興間循守韓京建勸農於此久圮

止戈亭 縣西門外宋守彭彥班嘗勸農於此民為建亭取盜

息民安之義今圮

僊臺 縣境郡志云鄧昌齡因親病入山採藥至啟蒙介石僊

臺之境遇老翁枕書石上竊視之皆古篆不能識再拜懇之

遂授以天文易數指石上草曰此名五加可却病延年携歸

遂以愈母昌齡後苦志向學能觀星緯窮易占明洪武中以明經爲鎮江樞官母子俱享期頤焉

翰林石室 在阪塘大石巖唐韋昌明少讀書於此唐循守楊在堯鑄石榜之

越王弩營 縣境有營澗嘗有銅弩牙流出皆銀黃雕鏤取之者祀而後得

進賢鄉 在縣九十里宋嘉祐間詔舉賢良明經之士縣人陳大綱與選鄉人榮之因名

阜陽臺 〔和平〕縣北城上明通判洪陽建後圯隆慶中知縣陳文彬重建榜曰江山勝覽

白玉蟾煉丹處 〔長甯〕縣東嶺城山上玉蟾往來羅浮時駐此遺竈猶存

官山書堂

〔永安〕縣簾紫嶂西明黃建葉應讀書處

黃公書堂

在黃花境山凹中明鄉賢黃鼎臣築顏曰羅浮別

洞今圯

石笏齋 在中鎮社山谷障下有石高丈許端如笏

晉長吉宮

〔連平〕州南長吉里洪聖王故居

曾衣故居

城北高峯插雲爲漢曾衣修煉處石頂遺址猶存

潮州府

元公書院

〔海陽〕縣學西宋周子嘗漕廣東其孫梅叟爲郡時

建書院

得全書院 在府城宋紹興間趙鼎謫潮州號得全居士後人

卽其所居爲書院後廢其六世孫繼清仕元爲潮州路推官時重建歐陽原功記

中離書院 在中離山明鄉賢薛侃講學處

鳳山樓 在金山下有古瀛洞天繪列仙後傍城疊石汲水為流觴左右為欵涼延光二亭

仰韓閣 縣東元至正中通判喬賢能建

明遠堂 縣城內一名思韓堂宋郡守孫叔謹建

文惠堂 縣治後宋景定中通判程應斗建以祀陳堯佐

原道堂 在韓山書院明建鄒守益有記

韓亭 在韓山昌黎登覽舊地俗呼侍郎亭元延祐中張處恭改建亦名思韓

觀稼亭 在西湖山老君巖唐貞元間中丞李宿建宋元祐間知州鮑粹又建乘風待月二亭翼之今皆不可考

獨遊亭 縣東宋陳堯佐建有句云記得遊人舊吟處獨遊亭

在野橋西

南珠亭 在韓山書院前宋守鄭厚建取韓愈別趙德詩婆娑海水外簸弄明月珠之句而名

仰斗亭 縣東輿地紀勝云亭在東山之腹北面故名仰斗中刻韓愈像及諸賢墨蹟

鳶飛魚躍亭 在韓山書院池中元郡守王翰建

觀闌亭 在金山上舊名望海明嘉靖間知府邱其仁建郭春震易名

積翠亭 在湖山老君巖上明隱士陳廷策讀易處

拙窩 縣金山舊名遙碧宋廖德明更名朱子書額并刻周子拙賦於巖石間今猶存

蒙齋 在縣西湖山鄭沂讀書處

梅花莊 湖山北明郡人唐伯元建旁一石書谷口二字山後一石有蒙泉二字

熙春園 在西湖山北宋紹興間知州謝尋建亭曰漸入佳境

庵曰醉客方歸

蔚園 在湖山麓明隱士陳廷策別業址尚存

越王走馬埭 縣北十里南漢劉鋹祖安仁爲潮州長史時築

遺址尚存

鄉校 潮陽縣西今公館巷唐韓愈所置

歲寒堂 縣境宋吳子野宅中之堂置登州十二石蘇軾有歲

寒堂十二石記

水簾亭 縣東山泉流四垂若張簾於楹且屈曲繞流於亭下

可浮觴以飲

高明亭 在栖雲石後宋邑令孫允升建久廢

遠遊庵 縣西北宋逸士吳復古隱此蘇軾有銘

半閒園 縣西明蕭與成故居

彭公故宅 揭陽縣官溪口浦口邨宋知軍州事彭延年所居

南溪精舍 在官溪都南溪渡西明鄉賢薛侃諸人講學於此

紫坡臺 在筆架山陽一名紫陌明御史鄭一初讀書處

澹軒 在藍田飛泉嶺宋兵部郎中鄭國翰講學處國翰與朱

晦菴爲同榜進士手書落漢鳴泉四字榜諸亭

宋陳希伋讀書處 在黃岐山石堂宏敞有石刻陳子巖三字

宋太子樓 饒平縣東南澳山雲蓋寺海崖壘石爲樓相傳宋

幼帝駐蹕所築旁有行宮指揮司甬道遺址宛然

愛日亭 在學宮明教諭王魯川迎養其母而築今廢

古磚室 在大港東山明萬歷元年邑人於榛莽中見之磚上有興和二年八月甲寅八字

聞鷄亭 [惠來縣西南相傳宋帝昺駐師於此謀報元兵驟至鷄鳴移師去因名]

黃岡書屋 在黃岡上明隱士吳嚮讀書處

駐節亭 [大埔縣左拔村明嘉靖間知縣蔡科修路因建御史

姚虞記

陸秀夫故宅 [澄海縣南秀夫與陳宜中議不合安置潮州居

此一名陸厝園

濟川亭 在蘇灣宋知軍州事趙師炭建今廢

盧中舍別業 在冠瀧神山下宋太子中舍盧侗致仕時築

明吏部唐伯元第 在仙門鄉鳳山麓旁有別業曰浴桂軒

石城齋 在石城頭明陳思謙以廬墓而築

馬嘶巖石室 [普甯縣相傳唐大顛僧所創昌黎嘗至此訪之

肇慶府

星巖書院 [高要縣宋守包拯建舊址尙存

蓬山書院 在南蓬山爲區大倫講學建今圯

坡雲樓 在府廨後又名飛雲宋建明洪武元年修宋黃公度

有詩

斗輝樓 在衛署後明萬歷中總督戴耀副使陳濂建給事梁

有年記

鑒止堂 在府治西舊爲枕書堂宋守包拯建

包公堂 府治堂後今改名李孝肅宋黃公度有詩

靜治堂 在府治東宋包拯建後改名中和舊志拯所名堂尙

有相魁敬簡雙瑞節秋霜宅今俱為廨舍

鵠奔亭 縣西元和志漢何敞辨死女子寃即此處也寰宇記引干寶搜神記云漢九江何敞為交阯刺史行部至高要暮宿此亭夜有女子至牀下跪曰妾廣信縣修里人早失父母無兄弟嫁為同縣施氏妻夫死有雜繒婢致富一人妾不能自振欲之旁縣賣繒貨牛羊一乘載繒妾乘車致富執轡至此亭外時日暮因止此致富暴肚痛妾之亭長舍乞漿火而亭長龔壽操刀至車旁刺脇下立死又刺致富亦死壽掘樓下舍埋妾及婢取財物而去妾寃死無告故來自歸於明使君敞曰欲發出汝何以為驗曰妾上下著白衣青絲履皆未朽也妾姓蘇名娥願以骸骨歸死夫敞乃令吏捕壽考問具伏初拙時有雙鵠奔其亭故曰鵠奔亭

按今本搜神記無此文 宋郭祥

平有詩 按謝承後漢書作鵠巢亭又文選江淹請建王上書云鴻亭之鬼無恨於灰骨則鵠又作鴻皆以字形相似而異耳

桃柳亭 縣西南白沙岡唐李翱過此宋致和間郡守鄭敦義

修元未燬

硯池亭 郡治西北洗硯池宋包拯鑿明成化初知府黃容立

亭池中榜曰硯池清趣

放生池亭 府治西南隅宋咸淳二年郡守趙崇瑛建後廢嘉

泰間商侯復之

白鹿臺 府城南五里趙佗田獵獲白鹿於此因名

雲秀臺 縣西北宋大中祥符七年有五色雲見臺峯之上郡

守范雍建

菊圃 在郡廳西宋守包拯建前有軒累土為山砥石為基榜

日爛柯洞天今廢為廨舍

舊濂溪書院 [四]會縣宋景定五年縣合宋有萬以提刑周敦

頤行部所經故建書院咸淳八年縣令趙時昉新之宋末廢

遺址尚存

相堂 在舊簿尉廳之東宋紹興中丞相梁克家館於此故名

貞里 縣南寰宇記云昔里女許嫁未成婚其夫因虎而亡乃

誓不嫁歸夫家奉養舅姑人美其行故名其里

六祖故居 [新興]縣國恩禪寺即盧能故居也又縣東南有夏

院乃六祖禁足之地

澄映堂 在僉判廳後宋廖演建演有詩

仰忠亭 縣南宋紹興中胡銓謫官新州居此淳熙中州守王

揆即其舊址作亭名曰仰忠宋末廢

錦阜亭 縣西南錦阜岡上岡舊名蠟岡紹興間郡守王義卿

築亭其上取其山自錦山來故名

相遊亭 縣東秀羅寺宋蔡確嘗游此因名

宣詔亭 縣治東南宋西甯中郡守梁立則建凡有詔旨於此

宣讀後改頒春之所復廢

冉香亭 縣東有池植荷宋主簿譚宗作亭其上今廢

瑞蓮臺 縣北舊名雪花宋乾道五年濠生蓮故名

覺軒 在龍山寺方丈後左丞王履道為銘曰本自不迷何者

為覺惟无舌人滿口道著龍山名覺無病求藥從而銘之分

一半錯見輿地紀勝

十仙園 縣治西南相傳唐宋時官新州者說簡務稀因置此

園內有薰風堂延景亭明水軒藏仙亭宋末俱廢

熙熙亭 縣南儒學之西宋紹興間張夔知新州作超然臺其中後廢知州張養正闢為射圃

梅花塢 [陽春縣南舊學前明正統三年因遷學遂廢今為民居

種學堂 [高明縣文儲山下宋寶慶間鄉人麥夢協讀書之所白鹿臺 縣南五里相傳趙佗獲白鹿於此

敷文書院 [恩平縣即舊府館明僉事李材平賊有功民德之改建以祀久圯

得一亭 [廣寧縣圓嶺上九十九坑古讖云九十九坑還少一若還一得是名邦明知縣羅彥霄建亭其上

濂溪書院 [德慶州宋周敦頤經此縣令許鑒因建今址尚存水玉堂 州治後明永樂間州判徐行築有記

豁然亭 在香山頂宋慶元中郡守趙師瑛建宋李綱有詩

松關亭 在香山下宋時建其旁多松前有覽秀亭

登雲亭 州東登雲橋上宋進士陳序建每賓興飲餞及迎送

使客皆於此明嘉靖中改名登瀛

葛仙園 州東社山絕頂有花園相傳葛洪煉丹之所今生躑

躑躅花

舊三舍學 [封川縣東山宋大觀元年編三舍升貢次第宣和

三年詔罷

五友堂 縣西宋州守沈清臣建取江山風雨與太守為五

二星堂 縣西宋州守曹觀建舊名天遠堂後以兩部使者交

承於此因易今名

孔訓堂 縣西宋州守孔延之建以教其子文仲武仲平仲

宅生堂 縣治北宋知州李元建郭祥正詩云水光送日浮珍

席山勢和雲插畫梁安得身如張相國為君重賦宅生章

浣花亭 縣城西宋州守沈清臣建清臣有詩又有桂巖知津

二亭

望雲臺 在登高山上宋州守曹觀築以寫思親之意

荔枝莊 在靈洲宋知州田開詩海上荔枝莊即其地

讀書堂片玉亭 開建縣金縷村唐狀元莫宣卿讀書之所

坡亭 鶴山縣東北石螺岡下宋紹聖中蘇軾謫官過此值江

漲留數日居人慕之築亭於上遺址尚存

高州府

茂山書院 茂名縣西晉高涼太守楊芳著書處

高力士宅 縣西二百四十步力士茂名縣人見寰宇記

潘仙亭 在郡城外今洗廟東晉潘茂名煉丹於此明屢修久

圯

海國遐觀亭 在太平橋南宮嶺巔明知府鄭綱綱建下瞰鑑

江樓台隱見嘉靖間知府歐陽烈復於亭前構小醉亭

五里亭 縣境明隆慶間知府吳國倫平倭寇立碑於此

驃騎館 縣境寰宇記云按郡國志故右衛大將軍高力士舊

鄉郡有驃騎館相傳皆因力士之名

馮家村 在雷白縣界寰宇記云馮益即此界人也

崔浩讀書堂 雷白縣西湖山上絕頂浩明進士

李衛公勒碑處 在南洋外放鷄山相傳唐相李德裕南遷過

此勒碑紀海道險要

翔鳳臺 信宜縣西北登高山頂編修程文德建

清風樓 [化州]北城上唐曰清風堂元改為觀風樓明洪武初

同知張謙重建

驪珠臺 城東南龍母山下明知州沈水建以鎮羅江水口

清白亭 在州署宋州牧趙與珏建明知州沈水易名興雲

歸鴻亭 龍母山巔宋淳熙辛丑寇平後建取為民安集之義

翔龍書院 [吳川]縣碣州渡頭宋景炎間陸秀夫建

極浦亭 縣南河畔宋邑人李陵雲隱處宋陳宜中有過極浦

亭詩

廉州府

還珠亭 [合浦]縣漢孟嘗守合浦去珠復還後人建亭表之

海角亭 舊在府治西南半里明成化中僉事林錦移建城西

嘉靖間僉事翁溥移於府治西南隆慶中遷於廉江西元范

亭有記

青樂軒 縣境宋蘇軾元符三年自儋至廉嘗寓此有題秦少

游書云庚辰八月二十四日書於合浦青樂軒

石室 [靈山]縣西唐甯悌原讀書之所洞如深室有石壁石門

門外有石橋兩石人夾侍

雷州府

英靈陳司馬宅 [海康]縣宋寇準留題英靈陳司馬宅詩公餘

策馬到英靈幸有官僚伴使星人物熙熙風景盛好將佳會

入丹寺

寇萊公故寓 縣南有瑞星池即寇萊公故居宋天聖間有星

隕於此故名

非樓 在府治內輿地紀勝云即楚閣也太守張綱易名

東樓 在東城門樓以懸禁鐘宋因南漢故址重建自明指揮張秉彛改建鐘樓於衛東此樓僅存其迹宋蘇軾兄弟有唱和詩

蘇公樓 縣西湖上宋蘇轍謫雷州時寓此其兄軾同時謫儋耳亦處此月餘後改為祠咸淳八年郡守陳大震遷於湖西與寇祠相對旁有遺直軒明郡守王秉良又即舊址建樓刻二蘇詩於上今并廢宋楊炎正有記

南樓 郡城南門上宋郡守虞應龍建後改為譙樓文天祥有記

三賢堂 在平湖書院內宋知軍事陳大震建祀寇準并二蘇夢歸堂 縣境宋陸升之寓居升之有記
十賢堂 在西湖傍宋咸淳間建以寇準蘇軾蘇轍秦觀李綱

王巖叟任伯雨李光趙鼎胡銓十賢為名文天祥有記後專祀寇公堂廢明宏治中推官李文獻重建堂於寇祠左祀蘇軾以下九賢正德間副使章拯郡守王秉良以柳仲郢足十賢之數

四德堂 府治東宋咸淳間建取郡守有名蹟者張絃何庚戴之邵徐應龍四人祀於此

帥正堂 在衛治後元王士熙有記
思亭 在府治內宋郡守張絃建其曾孫斌有記

東亭 縣境宋蘇轍故寓轍有詩
曹氏園亭 縣境宋寇準有題曹氏園亭詩

橫舟亭 在府治西宋郡守陳大震建取寇準孤舟盡日橫之句而名

望雲亭 縣城外南亭坊宋郡守何庾淪西湖水灌田建亭通
濟橋西庾去郡人修之元末廢

信芳亭 在西湖中明嘉靖中同知孟雷建參政張岳記

紀功碑亭 郡治北參將署右明萬厯間副總兵楊應春征交
趾克捷立石紀功因構亭焉

西館 在縣西宋寇準所居有萊公井元祐間匾曰萊泉寇準
有西館詠懷詩

蓬萊館 府治東輿地紀勝云太守戴之邵嘗於蓬萊坊因英
祿山爲館一名光華館

貢士莊 縣境宋郡守薛直夫建郡人樂助者買田百餘石爲
此莊凡舉子入試盡所積以贖行元延祐後雷士合試於湖
廣省亦是莊資給宋余炳有記

麗澤亭 在郡學門外江心宋建飛橋徑度環植芙蓉最爲勝
概後廢

瑞蓮亭 在府城南有池植蓮元至正間開雙萼文宗時遊亭
上榜曰瑞蓮

表賢亭 在大城西明成化間副使涂裴建以表薛遠邢育邱
濬林傑四賢明胡榮有記

樂耕亭 在墨客村明海瑞有記

留耕亭 在城東明景泰間隱士唐寅建邱濬有記

瓊臺 在府治西瓊自唐以來置都督府宋置瓊管安撫使瓊
臺蓋當時所居

東坡臺 在開元寺東宋蘇軾嘗寓其間

考古臺 縣境明洪武中教諭趙搆謙讀書處

永日軒 縣境唐李德裕有消此永日所以解憂之句後人取以名軒誌志去思焉

霜筠軒 在城南明洪武末儒者王惠建趙撫謙解縉皆有記

竹軒 在城西明成化間處士唐瑜所居瑜有自題竹軒詩

桐墩書舍 在郡城東郡人陳微得此墩樹桐數十本築室其

麓藏書甚多名之曰桐墩書舍明邱濬有記

下田村縣西北一里明邱濬故居

學士莊 城西二里明邱濬為學士時築濬有記胡榮有學士

莊讌集詩

東臯 在蘇尋都東明處士黃鈺隱所鈺與邢宥邱濬王佐諸

人遊知者謂有巢谷之風李東楊有詩

趙與珞營 在白沙口宋趙與珞率兵拒元死節於此

文明書院

遂溪縣西南東坡南遷由儋徙廉經此謂鄉士陳

夢英曰此地當有文明之祥因建後圯元凌光謙有記

萊公并亭

在縣西南英靈里宋寇準經此飲而甘之因名郡

守薛直夫立亭其上

祭海亭

縣西南英靈村港口明時每歲三月六日郡守祭東

海神於此

貞女臺

徐聞縣西北相傳昔有女子父死獨居此因名見輿

地紀勝

瓊州府

東坡書院

瓊山縣東坡謫瓊州時嘗寓此有雙泉遺蹟後北

歸郡人思之建書院肖像以祀趙文敏書額元王仕熙有詩

延桂樓 縣境明瓊山貢士岑英所居大學士蔣冕記

廣東考古輯要

卷十三

第宅

三

六瑞堂 在城南放生池上宋時常開雙蓮者三郡守王光祖
建堂因名

世德堂 在城西宋戶部侍郎沈翥孫悌建

錦衣堂 在東坡書院中邑人以蘇轍續蘇軾時有錦衣他日
千人看之句築此刻進士題名

夢宸堂 在兵備道後堂又道署前有期范堂俱明涂裴建張

元正記

可繼堂 在城西北隅明邱文莊公家正寢邱濬有記

洞酌亭 縣東北雙泉上蘇軾有詩後圯明推官徐邦佐復建

知樂亭 在城南放生池上宋郡守韓璧建朱晦菴有記

廣蔭亭 城東一里宋隱士唐文嚴建初名松軒翰林學士陳

士嶽易名元萬戶解珣遷建於通衢

通潮閣 [澄邁縣西一名通明蘇軾嘗憩此李光書扁軾有詩

解溫軒 [定安縣治明永樂初知縣吳定實建明楊升有記王

伯貞有序

湄邱草亭 [文昌縣東北明成化間邢宥建又有記

茉莉軒 [臨高縣治內宋胡銓詩有眼明漸見天涯驛腳力行

窮地盡州之句

買愁村 在縣南宋胡銓詩北往常思聞喜縣南來怕入買愁

村崎嶇萬里天涯路野草荒烟正斷碑

東坡故居 [儋州城南東坡至儋耳軍使張中請館於行衙又

別飾官舍為安居計朝廷命湖南提舉常平董必者察訪廣

西遣使臣過海逐出之遂買地築室為屋三間見蘇詩施註

動鑑閣 州東南宋知軍周中建取韓詩輕煖參差魚動鑑句

以名久廢

載酒堂 州東南東坡和陶田舍始春懷古詩引云儋人黎子雲兄弟居城東南躬農圃之勞偶與軍使張中同訪之居臨大池水木幽茂坐客欲為釀錢作屋余亦欣然同之名其屋曰載酒堂元虞集柳貫皆有詩

秀香堂 在城北宋李光謫居時構

尊賢堂 州治東宋蘇軾所居郡守韓景先建此以祀軾

吏隱堂 州城北隅宋知軍陳仲平建李光名之仲平有詩

繼美堂 州治東宋知軍陳適建以其父中孚亦嘗為守故名

湧月亭 城北下臨大江宋李光名之取杜甫月湧大江流之

句

賓燕亭 城南宋蘇軾舊居知軍陳覺有詩

問漢亭 在大江橋上明澹菴命名李泰發有詩

枕椰菴 城南二里旁有枕椰林宋蘇軾謫儋時結菴其下嘗

摘葉書銘記之菴南有清水池宋胡銓李光嘗游處

卻金亭 [昌化縣明士民為知縣潘世元建

黎順亭 [萬州東山嶺下宋端平中知軍劉椿有德政民為立

亭刻石紀績今碑尚存軍判陳德裕有記

盛德堂 [崖州水南村輿地紀勝云河東裴閻義守昌化居於

吉陽胡銓名其堂曰盛德有銘

望闕亭 州城南唐李德裕為司戶時建德裕有詩云獨上江

亭望帝京鳥飛猶用半年程青山也恐人歸去百匝千遭繞

郡城

洗兵亭 州西南宋胡銓與郡人陳迪功建取杜甫詩淨洗甲

兵長不用之意

相公亭 在州南競田田宋丁謂所居

江亭 州西元參政王士熙謫居時建

永思亭 州境明成化初學士許端惠秩滿去弟子為建此亭

逸賢崗 在州西南有茂林脩竹宋胡銓遊覽愛之闢為崗初

有六客既而一客後至遂用六逸七賢而名

陽江廳

濂溪書院 宋建於南恩州北後燬元大德間復建於城西天

歷中知州張允明徙於州學之東有光霽堂元末廢

西樓 在舊南恩州西城上宋王互有詩

清暉樓 廳境宋蔡僉判建久廢宋留頌詩云萬古龍瀛山水

窟何人携向嶺邊州朝來蜃氣連城白幻作恩平第一樓

和理堂 在古西園宋政和間知州游經作

隆蔭堂 廳治西宋慶元間黃公度建公度有詩

瑞禾亭 廳東東山之陽宋咸淳中南恩州嘉禾三穗郡守涂

久大建鐫嘉禾二字石刻尙存亭廢

熙春亭 廳東山上高跨嶺首宋元祐初知州徐輔建元琥璐

珣詩亂山東去奮蒼龍一水西流走玉虹向日熙春臺上樂

年來孤負幾東風

望海臺 廳南宋紹興三年知州王治建久廢宋胡銓有詩

揖翠亭 廳境宋邑人何氏建胡銓詩青山如高人可揖不可

致

借山亭 廳境明謫官沈思孝故寓海瑞有陽江借山亭記

西園 在舊州治西喬木怪石蕭然出塵亦名盤玉壑宋乾道

中知州李綸磨堂側大石鐫曰西園勝槩和理堂韞玉亭隆
蔭堂靜明庵俱在焉又舊州東有東園今俱圯

連州

虞帝行宮 在丹臺觀左宋寶慶間州牧史念祖建今圯

天衢書院 在靜福山五代時郡人黃損肄業處

唐劉瞻故宅 在翠峯寺今劉丞相詞卽其社

畫不如樓 州城西唐劉禹錫詩有剡溪若問連州事惟有青

山畫不如之句

望雲樓 州北城上宋郡守林槩建有望雲賦

雙溪閣 在雙溪上宋紹興間郡守王大寶建張浚有銘

養源堂 在龍津門內鄉賢陳宗諤肄業之所旁有資深齋宋

張枋有詩

濯纓堂 在廢湟川驛宋建張浚有記

致一堂 在熙仁門外宋歐陽獻可讀書之所張魏公嘉而名

之爲作記

五賢堂 州學內宋端平間知州留元長建以祀韓文公劉勅

史張魏公朱文公張南軒

壽椿堂 在楞伽峽上宋司法李華有治水功郡守留元長從

州民請爲堂肖像以壽華云

燕喜亭 州城北唐貞元間吏部侍郎王安中謫官時建韓愈

爲記五季燬明成化中重建

湖上十亭 在海陽湖上唐刺史劉禹錫建曰吏隱曰切雲曰

英雲潭曰元覽曰裴溪曰飛練瀑曰蒙池曰芬絲瀑曰雙溪

日月窟唐元和間裴侶以御史坐事貶連州嘗與禹錫唱和

其間謂之海陽十詠

飛瀑亭 在龍津門外雙流交會巖石幽絕唐為祝聖放生之所刺史蔣防有磨崖記

海陽亭 州城北唐呂溫有發道州答崔三連州題海陽亭見寄詩

元豐十二亭 州境曰燕喜曰四望曰八顧曰百花曰擷秀曰蓮照曰清暉閣曰都景樓曰海陽湖曰峽山峒曰大雲峒自四望以下始建未詳宋治平以前亭名已廢至元豐初知州杜抃乃刻石正之

紹興十二亭 州境曰燕居曰月窟曰真覽曰振鷺瀑曰飛練曰君子曰天澤曰卧龍曰鍾美曰十韻曰聚秀曰勿幕有郡守徐常記天澤以上因唐人遺蹟卧龍以下乃後人所創宋

紹興知州陳煜重建

列秀亭 在崇儒坊東宋嘉定中建張魏公在連朝夕登眺焉

福泉亭 在靜福山石甃流盃池為福字

壽泉亭 在北山寺右石甃流盃池為壽字

尊韓書院 陽山縣東唐韓愈讀書於此因建書院

釣魚臺 縣東三門灘下唐韓愈嘗釣於此下有釣磯石案昌黎在陽山送區冊序與之蔭嘉木坐石磯投竿而釣陶然以樂即此石也

讀書臺 縣北三里游息洞之旁亦韓愈故址

羅定州

雙龍勝槩亭 在瀧水城南一里明成化間僉事陶曾愛其地築亭鑿池別有澄心進思退補拱北四亭繞焉

愛松亭 在瀧水南門外明正統間僉事彭琉植松縣丞魏瑤作亭

南雄州

舊蒙古學 州南門內元設官生習蒙古字進奏表牋儒學撰文蒙古學校勘書之

孔林書院 在平林村唐孔戣為嶺南節度使子孫遂家焉宋

建隆七年裔孫孔閔創建書院陳叔秀記

梅銷故宅 在梅嶺嶺有紅梅驛驛有城當嶺路南北之中累石為門相傳銷家在焉

叱馭樓 在庾嶺上宋余靖有詩

瑞相堂 在府治內宋守章郇公得象入相時有瑞蓮之異改名後郡守李著改曰景郇

靜春堂 在瑞相堂東宋郡守李著建取程伊川靜則萬物同春之義

四井堂 在府治內宋郡守潘快作公謹濤通四箴因名推官

張瑱記案輿地紀勝碑目作潘俠蓋刻異耳

至和堂 州境宋陳公祐十二世同居明知府江璞題以美之七松堂 在五里山明知府江璞創地有古松七株故名明鄧

本元有詩

通越亭 在大庾嶺上宋余靖有詩

來雁亭 在大庾嶺上宋余靖有詩

種玉亭 在府治內宋章得象建旁有小池環植白蓮

望遠亭 府治西北宋章得象建宋郭祥正有詩

望安亭 府治東宋章得象有詩

文獻鄉邦亭 在迎春亭右明宏治中嶺南道袁慶祥重立張九齡開鑿嶺路碑於此

三松臺 州境宋嘉定時吳人張震謫雄寓光孝寺見三松蒼翠偃蹇因作臺登眺

聽雨軒 在瑞相堂後池中宋章得象建初名八卦亭珠璣巷 在沙水寺前相傳廣州諸望族俱廢源於此

張九齡故宅 [始興縣西南桂山下山幽水秀花木長春几案戶庭皆石琢就見方輿勝覽按九齡新唐書直云曲江人而別駕因家於始興今為曲江人是九齡亦嘗居始興也]

梁太子書堂 在縣治南相傳梁昭明太子往尋傅大士講經居此

嘉應州

雙忠書院 城內東北隅明嘉靖間建祀劉元城文文山二賢

今培風書院即其舊址

鐵漢樓 州境宋劉元城嘗安置於此數年不以險阻動心蘇軾以為鐵漢宋人建以表其節知州楊應己慕其人又建鐵菴銘之

凌風樓 州城南樓祀文信國公明潮州知府郭子章建有記七賢堂 在百花洲宋知州劉煥建七賢者程處士張曲江韓昌黎劉元城狄武襄文信國蔡梅庵也

曾井亭 城西梅峯之東井為南漢時程鄉令曾芳所鑿宋皇祐中狄武襄征儂智高軍士疾癘禱於井水溢飲之而愈奏凱仁宗賜飛白書曾氏忠孝泉五字咸淳七年知州蒲壽晟建亭井上今亭廢井尚存

相公坪 縣西北形勢平坦唐相張九齡微時過此耽山水之
趣盤桓不忍去後人名其地為相公坪

羅學士故居 興寧縣墨池上舊有祠曰學士堂曰翰林明洪
武間燬於兵今遺址尚存

勅書閣 縣東南明義民薛玉建以藏勅書
攬轡亭 在縣境明章綸有記

乾坤一覽亭 縣南六里明嘉靖中知縣羅衣建
最高亭 長樂縣西明僉事施儒建翁瀾有詩

御金亭 城西二里雷公墩祀明知縣李德用明葉夢有記
長樂臺 縣西北五華山下一名尉佗臺

河陽花館 在董園明天啟中士民為知縣潘藻建
五子山書屋 平遠縣萬曆四十五年建一名蘭臺居

思亭 鎮平縣石崖都相傳宋知州劉安雅瀕行父老送之餽
以膳不受乃建是亭今圯

欽州

天涯亭 州東門北畔臨水宋余襄公守郡時建陶弼有詩
三山亭 州治南三山嶺上宋建陶弼有詩

鴻飛亭 在東門外游魚洲上明知府林希元建取東坡鴻飛
那復計東西之句以名

	<p>海亭 公大明初為南越王西門侯其子孫世襲 四亭 俱在通山山後土宋該國領有</p>	<p>建世 以國不受其數法亭公以 亭 廣東通山山後土宋該國領有</p>
--	--	---



